

MULALO

 Tshumelo, muṭangano wanga wa ḥwaha muswa u tshi vha uri ri khou tou vulea. Ili ndi fulo ḥanga ṥa u thoma vhukuma u bva tsha ḥwaha muswa. Oo, ndo vha na masiku a si gathi hayani, zwenezwo ndo vha ndi phasi ngei kha Fort Huachuca. Naa ndi izwo zwine na ḥo zwi bula zwino? A thi koni u vhona nga ndila ine na peleṭa *Huachuca* na *H.* [A hu na tshithu kha theiphi—Mudz.]

² A ri ralo, a ri khou ya u vha u sedza nga tshivhoni tsha u sedza zwa murahu kha mafhuno. Tshivhoni tsha murahu tshi sedza fhedzi zwa murahu huno tsha vhona he na vha ni hone. Ri khou sedza phanda u vhona hune ra khou ya, ni a vhona. Izwo zwi re tshifhingani tsho fhiraho, Paulo o ri, “U hangwa izwo zwithu zwo fhiraho, Ndi gidimela dzangani ṥa mbidzo khulwane kha Kristo.” Huno izwo ndi zwine ra ḥoda u ita. Munna, ri nga sedza murahu miñwaha ya fumiñthanu, ya fumirathi yo fhiraho, musi ndi tshi da Phoenix lwa u thoma, ho no vha na zwithu zwanzhi zwo bveelaho u bva zwenezwo, zwavhuđi na zwivhi, zwine zwothe zwa ya Khañkuloni, zwandani zwa Mudzimu. Fhedzi zwine nda khou lavhelesa phanda zwino ndi zwine nda ḥo ita kha uno ḥwaha u ḥaho, u yela kha Muvhuso, ndi tshi khou ita zwo engedzeaho, zwothe zwine nda kona u itela Muvhuso wa Mudzimu.

³ Zwino, ano masiari ndi khou ḥoda u amba hoyu Mulaedza wa ḥwaha muswa kha Tshividzo kha Kristo, huno zwenezwo vhusiku ha matshelo ri khou ya u thoma u rabelela vhawadze. Huno ri ḥo netshedza garaṭa dza thabelo vhukati... Ndi elekanya uri tshumelo i thoma nga ya sumbe, hafu u bva kha ya sumbe, ndi khwine ni tshi vha fhano nga murahu ha ya rathi kana miniti ya fumiñthanu, zwenezwo, u wana garaṭa dzañu dza thabelo, uri ni si khakhise tshumelo yothe.

⁴ Ri ḥoda u livhuwa mu—mulangi hafha, wa Ramada, nga u ri tendela u vha na itshi tshifhaṭo tsha uyu muṭangano, phanda ha ino khuvhangano. Murena a vha fhaṭutshedze.

⁵ Huno zwino arali ni tshi tama u fhenda Mañwalo, hune ra khou yo vhala hone, Ndi khou yo vhala kha Yesaya, ndima ya vhu60, na ya—ya vhu2, ndimana ya 1 na ya vhu2. Huno Dziphisalema 62:1-8. Phisalema 62:1-8, u thoma.

Ngo ho mya wanga u lindela kha Mudzimu: khae hu bva u tshidzwa hanga.

Ene a eṭhe ndi tombo ḥanga na u tshidzwa hanga; ndi tshipilelo tshanga; a thi nga dzinginyei nga maanda.

U do humbulela vhuvhī kha muthu u swka lini? ni do vhulawa vhoiñwi noñhe: sa luvhondo lu waho ni do vha nga u ralo, nahone sa luhura lwo litshedzaho.

Vha tou vhudzisa fhedzi u wisa, u wisa u bva kha vhugala: vha takalela mazwifhi: vha fhañutshedza nga mulomo wavho, fhedzi vha sema nga ngomu. Selah.

Muya wanga, u lindela fhedzi kha Mudzimu; ngauri ndavhelelo dzanga dici bva Khae.

Ndi ene tombo ñanga a eñhe na u tshidzwa hanga: ndi tshipilelo tshanga; a thi nga dzinginyiswi.

Kha Mudzimu ndi tshidzo yanga na vhugala hanga: tombo la nungo dzanga, . . . vhudzumbamo hanga, vhu kha Mudzimu.

Mu fulufheleni tshifhinga tshoñthe; vhoiñwi vhathu, tevhulani mbilu yanu phanda hawe: Mudzimu ndi dzhavhelo ñashu. Sela.

⁶ Ndi a takalela ndila ine Davita a amba ngayo, “tombo.” Ni dzhieila nzhele, zwifhinga zwinzhi, “Mudzimu ndi tombo ñanga.” Ni a divha uri tombo li khou ambelwa mini, kha Bivhili? Tombo ndi “nzumbululo.”

⁷ Vhunga Petro o ri, “Iwe u Kristo, Murwa wa Mudzimu a tshilaho.”

⁸ A ri, “Wo fhañutshedzwa iwe, Simoni, murwa wa Yona. Huno kha ili tombo, iyi nzumbululo . . .” Mudzimu o mu dzumbululela zwoné. “Nama na malofha a zwo ngo vhuva zwa dzumbulula hezwi, fhedzi Khotsi Anga vha re ngei Tadulu. Kha heli tombo, heyi nzumbululo, ndi do fhañta Tshivhidzo Tshanga.”

⁹ Huno Dafita hafha a tshi khou vhidzelela, “Mudzimu ndi tombo ñanga, nzumbululo yanga!”

¹⁰ Zwino kha ndima ya vhu60 ya Yesaya, ndimana ya u 1 na ya vhu2.

Vuwa, penya; ngauri tshedza tshau tsho da, huno vhugala ha MURENA ho u ñavhela.

Ngauri, vhona, . . . swiswi li do tiba lifhasi, na swiswi litswu kha vhathu: fhedzi MURENA u do u ñavhela, nahone vhugala hawe hu do vhoñwa kha iwe.

¹¹ Kha ri rabele. Murena Yesu, ri tshi khou elekanya nga ha aya Maipfi, zwino ri dzhena ngomu ri tshi thoma iyi tshumelo, u itela khuliso Iwe. Ri fhañutshedze, Khotsi, ri humbela nga Dzina la Yesu. Amen.

¹² Zwino, theroyanga ano masiari ndi ipfi lithihi: *Shalom*. Kha Tshihevheru, zwi amba “mulalo.” Mulalo, kana ndi ndumeliso, ndi “mulalo kha inwi,” kana, “u ñanganedzwa,” “matsheloni avhudí,” lushaka luñwe na luñwe lwa ndu—ndumeliso. Fhedzi ipfi lìhulwane le nda li wana kha Tshihevheru hafha, hu na

zwithu zwinzhi zwine la amba, fhedzi zweþhe zwi kwamana na tshithu tshithihi, “mulalo.”

¹³ Musi ri tshi livhana na uyu ñwaha muswa, ro livhana na zweþhe, vhunga ndo no vhala, swiswi na Tshedza. Zwino ri vhona uri Dafita, a tshi khou amba hafha, o ri, “Fulufhelani kha Murena. Vheyani fulufhelo lanu Khae.” Yesaya o ri, “Swiswi litswu li khou da kha havha vhathu; fhedzi uri Tshivhidzo tshi takuwe nahone tshi vhonetshele, vhugalani ha Tshedza.”

¹⁴ Ngauralo ro livhana na uyu ñwaha u tou fana na musi ri tshi ita miñwaha yoþhe; hu na u—u disola ha khakho dzashu tshifhingani tsho fhiraho, na u sedza phanda kha tshifhinga tshi ñdaho tsha Tshedza tsha vhugala tsha Kristo. A hu na u timatima, arali ra tshila kha uno ñwaha, ri do wana khakho nnzhi dze ra ita, huno ri tou lavhelela hezwo ngauri zwi tshimbila na zwivhuya na zwivhi. Uyo ndi mulayo wa u angaredza une ra tshila ngawo fhano kha vhuno vhutshilo. Fhedzi ro takala nga maanda uri ri na Mupfumedzanyi O dzulaho kha tshanda tsha u la tsha Mudzimu, u ri rabelela. Musi ri tshi funa u tenda vhukhaki hashu uri ro khakha, zwenezwo U a vha hangwela. O dala tshilidzi na khathutshelo, u ri hangwela idzo khakho.

¹⁵ Ili swiswi litswu, ndi tama u amba nga halo u thoma, uri hu na zwinzhi zwa hezwo shangoni ñamusi, huno u swifhala na u swifhala tshifhinga tshoþhe. Nwaha muñwe na muñwe, ri wana uri, uri sha—shango lo swifhala, ri tshi amba nga lwa maya, ngauri vha khou aluwa swiswini. Hu na tshivhi tsho engedzeaho. Ri tshi khou tou fhira kha zwine ra vha nazwo, u vhulawa ha Muphuresidennde, na zwiñwe-vho, huno vhathu vha tshi vhulawa heneffa shangoni ñashu. Hune, ro vha ri si nga humbuli uri hezwo zwi do itea nga tshifhinga tsha vhutshilotshedza ha musalauno, fhedzi ri na nazwo zwa vhukuma, ngauri swiswi litswu li kha vhathu. Zwino, avho vhane vha sa do funga Tshedza, zwenezwo hu na tshithu tshithihi fhedzi tshire ndi nga amba ñwaha u ñdaho, ni khou ya vha swiswini na swiswini musi ñwaha u tshi bvela phanda.

¹⁶ Fhedzi kha avho vhane vha do rembuluwa, kha uno ñwaha muswa, kha Tshedza, zwenezwo ni do penya na u penya, kha ilo Duvha lo fhelelaho line ra li toða, u vhonala Hawe, hune swiswi loþhe la do balangana—balangana kule. Huno mbuno ya hezwo, ndi ngazwo ndi tshi ri, kha Tshivhidzo tsha Mudzimu a tshilaho, namusi, “Mulalo,” ngauri ri Zwiedza Zwawe. Yesu o ri, “Ni Tshedza tsha shango.”

¹⁷ Zwino, muporofita o ri, “Swiswi litswu li kha havha vhathu; kha vhathu vha shango, swiswi litswu.”

¹⁸ Naa no dzhieila nzhele, kha miñwaha i si gathi yo fhiraho, vhañwe vha vhoinwi vhanna na vhasadzi u mona na tshikhathi tshanga, uri hani ñwaha muñwe na muñwe, zwi vhonala u nga swiswi li anda na u anda? Ndo vha ndi tshi khou amba liñwe

đuvha, huno nda ri kha mufumakadzi wanga, “Ni a divha, zwi vhonala nga u ralo, musi miňwaha i tshi khou di bvela phanda, huno vhunga zwi tshi tou vhonala u nga vhatħu vha thoma u tħutshela kule na kule kha tħithu tħa vhukuma uri vha tea u da tsini na tsini.”

¹⁹ Ndo džiela nzhele, vhukati ha vhanna. Sedzani nnda zwiżaraġani, na vhukati ha vhasadzi, sedzani lutamo lwavħo na zwine vha takalela u ita, huno vhone vha—vhone vha khou shandukisa tħifhinga tħoħthe. Vhanna vha khou vha nga maanda vhunga vhasadzi, huno vhasadzi vha khou vha nga maanda sa vhanna, huno zwi vhonala hu tshi nga a hu na ndila ya u zwi imisa. Ndi buðekanya lushaka, ndi tshi khou rera ndi tshi lwa na itħo tħithu, huno nda vħuya īnwaha u tevhelaho huno zwo vħifhesa u fħira zwe zwa vha zwi zwone musi ndi tshi thoma. Ndi, avho vhatħu vha no ḥoda u ita zwi re zwone, fħedzi, vhone, hu na tħinwe tħithu nga hazzo tħiġi tħa sa do vha tendela u ita zwo lugħo. Tshi tou vha tsikeledza, u vha kombetshedza. Zwi—zwi tou nga u lemela, khuli yo tiba l-ħifasi l-oħra. Hu si ngei Phoenix fħedzi, fħedzi hoħe u mona na shango, hu vhonala hu tshi tou vha na swiswi li no khou kuvhangana, hu tshi swifħala na u swifħala, tħifhinga tħoħthe, u tou tsonzwa vħunna, na vħufumakadzi ha vhukuma. Ndi khou amba nga lwa mupo.

²⁰ Huno, vha, vha vhonala u nga vha... zwi khou nana na u nana kha tħivhidzo. Huno zwenezwo musi ni tshi takuwa na amba tħinwe tħithu tshi lwaho nazwo, zwenezwo vha a ni haṭulela u zwi ita. Ni a vħona, inwi—inwi ni nga kona u zwi vħona zwi tshi da, huno—huno zwenezwo musi ni tshi amba ni tshi lwa nazwo, muñwe muthu ha zwi pħesesi. Tħinwe tħifhinga vhasadzi vha a zwi pfela thungo, vhanna vha a zwi pfela thungo, vha dzhia vhudifari ho khakheaho.

²¹ Muthu tħinwe tħifhinga, munna wavyħudi, u tea u kondelana na zwithu zwo ralohu uri vha kone u fara pfanelo dzavħo kha zwimo zwa vhurereli zwine vha wela khazwo, ngauri, arali vha sa iti, vha a kħauliwa, huno zwenezwo vha—vha sala vha vhoħħe. Huno zwenezwo nga u vha o kħauliwa kha vha niwe vhatħu, zwenezwo zwi a kondi u džiena na muñwe muthu-vho, ngauri vho vħuya vha zwi divha uri ni wa itshi tħinwe tħigwada, zwenezwo, “Naa ho bvelelani nga *hangeno*?” Zwenezwo ni tea u ima kha zwine na tenda, kana na ya kha zwanu, kana na landula zwine na tenda. Ngauralo zwi ita uri zwi kondi vhukuma kha vhatħu.

²² Huno tshi vhonala vhunga tħifhinga tħo ralo, ni nga si vhone uho u ima ha vhukuma nnda, vhunga muthu a tshi tea u vha nga u ralo. Ndi... Na kha u li humisela murahu, u bva kha zwa tħimuya, zwino u ya kha zwa myelo, Ndi... Zwi vhonala kha nneuri munna o ambara zwienda zwa pinnki, na tħaka dzoħħe dza zwithu nga u ralo, zwi tou vhonala u nga vho no vha zwinzhi sa vhasadzi. Huno vhasadzi vha tshi khou dha

dzisigareṭe, zwino vha na dzisigara, nahone vha tou . . . huno vha Ქunya mavhudzi avho vhunga munna; huno zwi vhonala u nga u—u naka, vhusadzi, tshisadzi tsho ngalangala. Huno tshinna tsha vhukuma tsho ngalangala; zwe zwine a vhonala a tshi humbula zwone ndi tshiñwe tshithu tshivhi, kha liñwe sia.

²³ Ndi elekanya uri zwi tou nga zwe zwa vha zwi zwone u rangani, “muhumbulo muñwe na muñwe mbiluni ya muthu u isa phanda na u vha muvhī.” Mbekanyamushumo dzashu—dzashu, thelevishini na—na radio, a zwe ngo lingululwa. Muthu a nga amba tshiñwe na tshiñwe, kaṭukuṭuku, tshine vha Ქoda u ralo, na u ana na uamba zwa tshika, miswaswo ya vhuada ine—ine ya sa teye u ralo, sa tei, sa tei u ambiwa kha tshipoto. Naho zwe ralo vha nga zwi amba kha thelevishini na kha radio, huno vha zwi rumela hayani ha vhathu. Zwi vhonala u nga swiswi litswu li thivhedza zwithu zwe. Shango Ქothe li vhonala Ქo tshikafhala.

²⁴ Zwino, lwa miñwaha, ndo vha ndi tshi khou lingedza u fara tshikalo, Ipfi la Mudzimu. Huno ndo qimisela lwo engedzeaho uyu ñwaha u ñdaho u fara itsho tshiimo u fhira tshe nda vhuya nda vha tshone vhutshiloni hanga, ni a vhona, imani tswititi na ñlo Ipfi. Zwino, ndi humbula uri muñwe na muñwe a ne a zwi dzhiya kha muhumbulo wawe uri ndi khou ita hezwo u ñi ita o thanyaho, zwenezwo, mukomana, khaladzi, zwa vhukuma no khakha. Ndi khou ita hezwo ngauri ndo vhofhea kha Izwo. Nñe, ndo vhofhea u dzula na ñlo Ipfi. Tshiñwe na tshiñwe tshine La amba, ni songo vhea Ქhalutshedzo ya tshidzumbe, itanu Li amba nga heyo ñdila. Zwino hu na vhañwe vhane vha nga kona u Li Ქalutshedza nahone vha Li ita uri li pfale lwo fhambanaho zwe. fhedzi ndi nga si kone u zwi ita hezwo. Luambo lune nda ñivha fhedzi ndi lwo ñwaliwaho Hafha, nga ndila ine Izwi zwa vha ñdila.

²⁵ Zwino, i si gathi, lwa miñwaha miraru yo fhiraho, zwi do vha zwino, uri, ngei hayani, kha tshivhidzo tshanga tsha hayani, wone Muya Mukhethwa wa amba na nne, wa ri, “Iya Tucson, hu na tshiñwe tshithu tsho lindelaho.” Nda ima kha iyi pulatifomo huno nda vhudza muñwe na muñwe wanu, “A RALO MA AMBA MURENA, tshiñwe tshithu tshi khou Ქodou bvelela.” Hu na khonadzeo ya uri hu na vhathu vha madana vho dzulaho hafha vhane vha zwi ñivha. Ndo tou ni vhudza zwe nda vhona. Mulaedza u kha theiphi, *Naa Ndi Tshifhinga-de, Muñe Wanga?* Ndo vhona u kuvhangana ha Vharuñwa, vhunga phi—phiramidi, vha tshi tsela fhasi devhula ha Tucson; n̄tha nga iyi ñdila, devhula ha Tucson. Huno Vho amba na nñe tshiñwe tshithu, huno a tho ngo ñivha zwe tsha vha tshi zwone. Huno liñwe duvha heneffo . . . Hu na munna o dzulaho heneffha zwino, vhavhili vhavho, vhe vha vha vhe na nñe, murahu hangei musi izwo zwi tshi bvelela.

²⁶ Huno vha dzhia tshifanyiso Tshalo lutomboni. Tsha bva kha—kha magazini. Ndo elekanya uri ndi na khophi. Ndi a ralo. Izwo ndi zwone. Ni a zwi vhona hafha kha magazini wa *Life*, iyi khophi, kokotolo nga ndila ye Muya Mukhethwa wa amba uri i do vha ngayo.

²⁷ Huno heneffo ho ima avho Vharuňwa vha sumbe u tou fana na musi ni tshi mmbona ndo ima hafha, huno a mmbudza uri ndi vhuyelele hayani hanga, zwauri, zwiphiri zwe vhashandululi u tsa fhasi kha zwikhathi vho kundelwa u zwi topola, zwiphiri zwa Bivhili, zwe Mapfundo a Sumbe a fara, zwi do dzumbululwa. Ndi itela nnyi na nnyi khaedu, wana ayo *Mapfundo a Sumbe* huno na a sedza, huno na wana khakho khao. Ni a vhona? Ni a vhona? Ngauri zwi newa nga thuθhuwedzo ya Mudzimu.

²⁸ Phanda ha izwo, ndo rera nga ha *Zwikhathi Zwa Sumbe Zwa Tshivhidzo*, huno zwenezwo nda zwi ola kha bodo ya u nwalela ngomu thaberenakele yanga.

²⁹ Pfunzo yanga, a thi funzi Pfunzo yanga hafha nn̄da, hu si na zwiňwe fhedzi mitheo ya vhuivangelo; ngauri ndi na vhakomana, vha nga di fhamana na nne, huno a thi nei Izwo nn̄da phanda ha vhathe fhamo. Ndi tou lingedza u dzula kha zwa mutheo wa Maňwalo, sa zwine ra tenda. Fhedzi, kha thaberenakele yanga, vha a I theipha. Arali ni tshi I toda, ni nga kona u vha Nay. Arali mufunzi waňu a sa ťodi ni tshi vha Nawo, ni songo U dzhia. Ni a vhona, izwo zwi kha inwi.

³⁰ Fhedzi ngomu heneffo, ndi tshi khou rera nga ha *Zwikhathi Zwa Sumbe Zwa Tshivhidzo*, na u vha na thendelo i bvaho ha Mudzimu; a tshi vha kokodzela nn̄da, nga ndila ye swiswi la dzhena ngomu tshivhidzoni, Nicaea; na vharuňwa vha tshivhidzo, vhadinda. Zwi teya u vha zone, ngauri, nga u t̄avhanya musi ndo ola kha tshikhathi tsha tshivhidzo tsha u fhedza, nga matsheloni a Swondaha, nga awara ya fuminthihi n̄tha ha tshithoma, itshe Tshedza tshihulwane tsha tsela fhasi ngomu tshifhačoni, phanda ha vhathe vhanzhi vho dzulaho hafha; tsha tsela fhasi huno tsha penya Tshone tshinę kha lurumbu lwa luvhondo, phanda ha avho vhathe vhothe, huno tsha ola izwo Zwikhathi zwa Tshivhidzo kokotolo nga ndila ye nda zwi ola heneffo. Zwino, hu na mađana na mađana a džiřanzi heneffo u sumbedza izwo. U tou . . .

³¹ Zwo luga, zwino, ri a limuha uri tshifhinga tshothe Mudzimu u sumbedza zwithu ngei ţadulu A sa athu zwi sumbedza kha lifhasi. Vhunga vhanna vha vhuťali vho tevhela naledzi, na zwiňwe-vho. Tshiga tsha ţadulu tshi a itea, u thoma, zwenezwo tsha lifhasi tshi khwařisedza tshiga tsha ţadulu. Mudzimu u a shuma, u shuma nga zwiga, zwiga na zwimangadzo. Vha tea u tevhela vhatendi huňwe na huňwe. Vhayuda tshifhinga tshothe vho ţoda tshiga, ngauri vho vha vhe vhanangiwa vha Mudzimu, huno vha ţoda tshiga. "Ri sumbedze tshiga, zwenezwo ri do

tenda.” Huno, zwenezwo, musi vhanna vha vhuṭali vho ḏa na nganea yavho, Vhasedzaṇaledzi, ya mabebo a Kristo, nga ḥwaha muswa fhedzi.

³² Zwino ri wana uri ḥwedzi, kha Bivhili, u fanyisa tshivhidzo. U sumbedza tshedza kha lifhasi, musi ḫuvha li si ho. Nzumbululo, ndima ya vhu¹², i ḥalutshedza nga u ralo, “musadzi a re na ḥwedzi fhasi ha milenzhe yawe, ḫuvha kha thoho yawe.” Huno nga ḥnila ye musi ḫuvha li si tshe hone, musi ḫuvha ḥo no ya kha linwe sia, ḥwedzi u vhonisa ḫuvha kha lifhasi. Tshivhidzo tshi tea u vhonisa Yesu Kristo kha shango, vhudzuluno ha Murwa wa Mudzimu. Rothe ri a zwi tenda hezwo. Ndi tshithu tshi kanukisaho, zwinzhisa zwe vha zwe fhambanaho.

³³ Fhedzi ndi tshi khou amba hafha, nga 1933, ya mupapa a tshi khou bvisa fhethu hawe, kana a tshi khou bva, kha ndi ralo, wa Roma, huno a tshi khou dalela ma—mashango makhethwa. U ḥo ḏa na fhano. Huno tshithu tshi so ngo ḥoweleyaho, ndi, masiku a si gathi phanda ha musi a tshi ḥutshela Roma, lwa u tou thoma zwi tshi vhuaya zwa vha kha ḥivhazwakale, ḥwedzi wo bva wa dzhena kha mutshakavhili wo fhlelaho. U tou vha izwo, naa ho vha hu mini? U tshi sumbedza Tshedza tsho vhonadziwaho tsha Murwa. Kha hezwi, o amba na khotsi wa vha Vhubvo; huno vhothe vha kha thendelano, “Mupapa u ita hezwi u itela vhuledzani, vhuṭama ha mudzulatsini havhudzi.” Zwine zwa pfala, kha ndevhe ya mupo, tshithu tshi mangadzaho nga maandesa tshine tshi nga bvelela. Fhedzi kha ndevhe ya myua, ndi swiswi. Huno uri hani riñe zwivhidzo, riñe Vhaputuresibetheriene, Methodisi, Baphuthisi, na Pentekostała, ri nga vhuaya ra dzhoina kha vhuada ho raloho, huno ri tshi divha uri Bivhili yashi i funza zwe fhambanaho! Ndi zwithu zwi mangadzaho kha nñe, uri muthu o dadzwaho nga Muya hani a dzula fhethu nahone a ri, “Zwi pfa zwi zwa myua u vha fhethu ho raloho.” Kha nñe, zwe vhfha.

³⁴ Zwino, ndi a humbulela no zwi wana fhano Phoenix. Arali muňwe muthu... Ndi vhangana ngomu afha vho no vhonaho he nda ola zwifanyiso zwa Zwikhathi zwa Tshivhidzo? Imisanī zwanda zwanu. Ndi a humbulela... Ni a vhabona uri Murena o zwi ola hani lutomboni, vhuňwe vhusiku? Kokotolo nga ḥnila ye zwa vhewa ngayo ngei n̄tha thaberenakele. Lwo fhelelaho, kokotolo nga ḥnila ye Muya Mukhethwa wa zwi ḥea nga ḥthuhwedzo, miňwaha miraru yo fhiraho, kha thaberenakele, heneffo zwe bvelela lutomboni. “Mulomoni wa ḥanzu mbili kana tharu, ipfi linwe na linwe nga li khwaṭhiswe.” Muya Mukhethwa wo thoma u tshimbila nga ḥthuhwedzo; nda zwi ola kha pulatifomo. Zwenezwo A tsela fhasi Ene muňe huno a ita khwaṭhisidzo Yawe yazwo, sa ḥwedzi na Tshedza zwi tshi khou bva, zwi tshi ya nda, huno kha itsi Tshikhathi tsha Laodikea tshi tshi khou dzhena ngomu ha swiswi tshoṭhe hafhu. Huno hafha U a tsela fhasi huno a zwi khwaṭhisidza kha ḥwedzi, nga

tshifhinga tshine zwivhidzo zweṭhe zwa khou ya u kuvhangana kha ṭhanganyelano, ya khoro ya zwivhidzo.

³⁵ A zwi mangadzi, vhunga Yesaya o ri, “Swiswi litswu li kha lifhasi, kha avha vhathe.”

³⁶ Ndi a zwi ḋivha uri a zwi takalelw i u amba nga dzangano, fhedzi ulwo ndi luswayo lwa ḋivhanda. Itsho ndi tshone tshithu tshi no khou ri isa henehfo ngomu ha hetsho. Tshi khou ita tshifanyiso tsha ḋivhanda. A thi ambi izwo uri ndi sinyuwe. Ndi amba hezwo ngauri ndi Ngoho, vhakomana. Duvha li do ḋa musi Phoenix i tshi do takuwa, huno khanwe ndo ṭuwa, fhedzi ni do ḋivha uri ilo ḥo vha li A RALO MA AMBA MURENA. Ndi ngoho. Huno nga ndila ye Muya Mukhethwa muhulwane wa khwathisedza iyo Milaedza nahone wa bvumba zwithu, na khathihi hu si na u kundelwa nga tshiñwe tshifhinga! Huno ndi ngani ri tshi pupuka swiswini? Ndi ngani vhathe vha sa vuwi tshifhinga tshi sa athu ṭuwesa? Liñwe ḥa haya mađuvha, li do vha ḥo no lenga, musi no no dzhia luswayo, huno zwenezwo a hu na . . . A hu na tshiñwe tshithu tshine ni nga ita nga hazwo, ni ḋo fashwa kha iyo sisteme, uri no swaiwa nga iyo sisteme.

³⁷ Ndi ngani ni sa di kha Kristo, dalani nga Tshedza tsha Mafhungo-mađifha a Yesu Kristo, Maanda Awe a u vusa ane a nga ni vhofholola, huno a ni ita khandela ḥo dzulaho kha tshikwara? A hu londwi uri li swifhala hani. Ni ri, “Zwo luga, ndi ngani ri tshi tea u zwi ita? Vhañwe vhoṭhe . . .” Thetshelesani, zwino ndi tshifhinga tsha u zwi tendela zwa penya, musi hu swiswi. Izwo ndi musi Tshedza tshi tshi penya lwa khwine, ndi musi Tshi kha swiswi. Tshifhinga tshoṭhe ri fanela u tendela Tshedza u penya hune tsha vha swiswini.

³⁸ Muporofita a tshi ri, “Swiswi litswu li do vha kha havha vhathe,” huno ndi Ngoho.

³⁹ Zwino ri wanulusa uri ndi mini tsho itaho nwedzi uri u vhonise tshedza. Mudzimu a tshi khou sumbedza, tsha u thoma, kha daba; tshi tevhelaho, nga Vhuhone Ha Ene muñe; zwenezwo maṭaduluni O sumbedza tshiga. Huno zwenezwo u bva Roma mupapa a bva, a ya Palestine; zwine, kha iṭo zwalo, vhathe vho zhamba nahone vha wa nga zwifhātuwo zwavho, huno vha luvha munna. Hu si zwinzhi u hanedzana nae u fhira ndi tshi ḋo ralo na mushumeli ane a ḋo dzhoina izwo. Ndi myua muthihi.

⁴⁰ Zwi vhonala u nga swiswi litswu ḥo dzula kha vhathe u swika vha tshi elekanya uri tshithu tshone fhedzi tshire tsha tea u itwa ndi u ya tshivhidzoni huno na vha muthu wavhudzi nga maanda, vheani dzina lanu kha bugu, na tshiñwe tshithu tshiṭuku tshi mangadzaho, “Mudzimu u ḋo shandukisa khono musi ni tshi fa, huno a shandukisa uyo myua ngomu hanu, Khae.” No khakha. Musi ni tshi fa, uyo myua u re kha inwi, iyo ndi ndila ine na ḋo vha ngayo lwa lini na lini. Huno elelwani, Vhafarisei, Vhasadukei, na vhañwe-vho, vho vha vhe vhathe vha vhurereli nga maanda.

⁴¹ Mudzimu ndi Mudzimu wa vivho. U na vivho, nahone u khou ḥoda mufumakadzi Wawe a tshi kuna. U khou mu ḥoda sa tshipofu, nyamulema. A hu na tshithu shangoni ngomu hawe, na luthihi; tshothe Ipfi Lawe, tshipida Tshawe. Ri fanela u vha tshipida tsha Ipfi. Hu si tshipida tshā ndaela; tshipida tsha Ipfi! A si tshipida tsha tshivhidzo; tshipida tsha Muselwa! Tshivhidzo tsho haṭulwa, ri a zwi divha uri tshi ya kha swiswi ḥa nn̄da, fhedzi Muselwa u ya n̄tha.

⁴² Zwino arali vhathu vha tshi nga vuwa lwa tshifhinganyana huno vha limuha uri tshithu tshihulwane ndi mini. Ndi u dihudza hune ha ita hezwo. Ndi vhathu vhane—vhane vha ḥoda u tshimbila sa shango ḥoṭhe. Ni nga si kone u ita hezwo. A ni vha shango. Naa ni elekanya uri musadzi o edela kha khasikete yawe u do ḥoda u divha arali e na mavhudzi awe o songanaho, kana tshiñwe na tshiñwe tshine na ḥoda u tshi vhidza thone? Naa ni elekanya uri o vha a tshi do thetshelesa ndila ye a vha o ambara ngayo arali o edela kha khasikete, kana muñwe munna? Who vha si nga zwi iti.

⁴³ Huno itsho ndi thone tshiitisi, ḥamus, hu na zwithu zwinzhi nga maanda zwine ra tea u kopa nga murahu ha vhadzulatsini, kana iñwe naledzi ya Hollywood, kana iñwe fesheni, kana tshiñwe tshithu tshi ngaho itsho, ndi ngauri a ri athu fa kha Kristo na Ipfi Lawe. Naa thaidzo ndi mini nga zwivhidzo? Ri swiswini, ri tshi khou pupudzika swiswini. Ha pfi, “Hu do vha na swiswi ḥitswu kha vhathu.” Swiswi ḥitswu li kha vhathu zwino!

⁴⁴ Naa zweþhe zwi amba mini? Zwi amba itshi, uri musi shango... Ndi mini tsho itaho uri nwedzi u fhele, ho vha ngauri lone—lone ḫuvha... liphasi lo swika kha murunzi wa ḫuvha, le ḥa vha li tshi khou ḫivhonisa kha liphasi. Shango lo dzhena murunzini. Iyo ndi yone thaidzo kha tshivhidzo. Iyo ndi yone thaidzo kha Mupuresibeterieni, Mumethodisi, Vhapentekostala. Iyo ndi yone thaidzo kha riñe roþhe. Shango li vala Tshedza tshine ra tea u vha ri tshi khou tshi vhonisa, tshi a di pomba u mona huno tsha dzhena Khaþo, huno, musi zwi tshi fhirana, tshi posa swiswi khalo.

⁴⁵ Huno shango lo ña ngomu tshivhidzoni, nga—nga dzina ḥa dinomineisheni, dzina ḥa iñwe ndaela, huno “ri vha vhurereli na hezwi zweþhe na hezwi zweþhe,” fhedzi naho zwe ralo li hana maanda a Kristo a mvuwo u khwathisedza Ipfi Lawe lo porofitelwaho linu ḫuvha. Hu nga vha na Tshedza fhedzi nga kha Ipfi ḥa Mudzimu. Ri a zwi divha hezwo. Mudzimu, u rangani, o ri, “Kha hu vhe na tshedza,” huno ha vha na tshedza, khwathisedzo ya Ipfi Lawe le A amba.

⁴⁶ Vhutswu, ho swifhala! Shango lo dzhena mutualoni wa ḫuvha kha nwedzi, huno ḥa u swifhadza. Izwo ndi zwone kokotolo zwe zwa bvelela kha mupo, kana kha maya. Vhunga zwe bvelela kha

mupo, zwe vha zwi murunzi nahone zwa ri vhudza, izwo ndi zwone kokotolo zwe zwa itea.

⁴⁷ Zwino, ni a vhona uri izwo zwi bvelela hani magumoni. Vhunzhi ha vhoinwi vhathu vhaswa, a ni nga tei u aluwa u swika ni tshi zwi vhona, naho zwe ralo, arali na tshila miñwaha miraru kana miña yo engedzeaho.

⁴⁸ Nwedzi zwino, ri kha Tshikhathi tsha Tshivhidzo tsha Laodekia. Kha Tshikhathi tsha Tshivhidzo tsha Laodekia, tsha zwiñwe zwivhidzo zweþhe, tsha u fhedza, tshikhathi tsha tshivhidzo tshi dudelaho, Kristoo vha a nga nn̄da ha tshivhidzo. Muvhali muñwe na muñwe wa Bivhili u a zwi ðivha hezwo. Nzumbululo ya 3, O vha e nga nn̄da ha tshivhidzo, a tshi khou lingedza u wana ndila Yawe ya u vhuyeleta ngomu hafhu, huno na khathihia a yo ngo ri O dzhena. “Fhedzi vhanzhi vhe A vha funa, O vha kaidza nahone a vha rwa.” Mulaedza u do kaidza nahone wa rwa avho vhe A vha funa. Zwino, o vha a tshi khou khokhonya, a tshi lingedza u dzhena ngomu; swiswi la Li vala, kokotolo zwe zwa da zwa khunyeleta. Tshedza tshe tsha vha tshi tshi khou penya, hu si kale tshi ðo valva tshoþhe. Zweþhe zwi ðo dzhena u vhumba tshifanyiso tsha livhanda. Huno ri a ðivha zwine izwo zwa amba, hetsho ndi tshifhinga tsha vhufhelo.

⁴⁹ Mudzimu, u rangani, o fhandekanya tshedza na swiswi, huno izwo ndi hafhu zwine Mudzimu a khou ita. Mudzimu u fhandekanya tshedza na swiswi. “U rangani,” A ri, “kha hu vhe na tshedza.” Zwino, elelwani, hu nga si vhe na tshedza nn̄da ha Ipfi la Mudzimu. Duvha lenelo ngei nn̄da ndi Ipfi la Mudzimu, lo khwaþisedzwaho. Ho vha hu na swiswi litswu kha lifhasi, khuli na khuli kha lifhasi, huno Mudzimu a ri, “Kha hu vhe na tshedza.” Zwino mini-ha arali hu si na tshedza tshi no ða? Zwenezwo zwi nga si Mu thuse u amba. Fhedzi musi A tshi ri, “Kha hu vhe na tshedza,” huno tshedza tsha vha hone, a tshi khwaþisedza uri Ipfi Lawe lo vha li lone. Itsho tshedza tshine ra tshila ngatsho ñamusi.

⁵⁰ Huno Tshedza fhedzi tshine ri nga vha natsho namusi, tshivhidzoni, ndi Mudzimu a no khou khwaþisedza Tshedza Tshawe kha yuu murafho.

⁵¹ Murafho muñwe na muñwe wo vhekanyelwa nga maanda, zwe bvelela maduvhani avho. Roþhe ri a zwi ðivha hezwo. Vhaporofita vha ða vhuponi. Vhone, Ipfi la Murena lo dela vhone, vho Li pfesesa. Ene muvhoni, kha Testamente Ndala, zwe amba uri, “uyo ane Ipfi la dzumbululelwa ene.” Huno vha zwi ðivha hani, ngauri o ðivhela phanda zwithu zwine zwa ðo ða. Zwenezwo Ipfi la Murena lo ða khavho, tshikhathi tshinwe na tshinwe.

⁵² Yesu o ri kha Yohane, nga ha Yohane, “O vha e tshedza tshi penyaho nahone tshi vhonetshelaho, lwa tshifhinganyana.” Ndi ngani? Yesaya, miñwaha ya madana a sumbe na fumimbili

phanda ha musi a tshi bebiwa, ha pfi, "Hu na ipfi la muñwe a no khou huwelela sogani." Maleaxi, ndima ya vhu³, yo ri, "Vhonani, Ndi ruma mudinda Wanga phanda Hanga, u lugisa ndila phanda Hanga." Ni a vhona, o vha e ilo Ipfi li tshi khwañhisidzwa. Ipfi le la fulufhedziselwa ilo duvha, o vha e tshedza, ngauri o vha a tshi khou ita uri li bvelele Ipfi lenelo le Mudzimu a amba nga hae.

⁵³ Huno musi Yesu o da, Yohane a ri, "Ndi fanelu u ngalangala zwino; U fanelu u vhonala." Huno O vha e tshedza. Hothe u tsa na zwikhathi, nga ndila ye Mudzimu a amba nga ha iyo awara i no khou da!

⁵⁴ Naa avho vhafunzi vho kundelwa hani u Li vhona? Naa vho kundelwa hani? Naa avho Vhafarisei na Vhasadukei vho kundelwa hani u vhona? O ri, "Fhendani Mañwalo, ngauri Khao ni elekanya uri ni na Vhutshilo Vhu Sa Fheli, huno Ndi One ane a tanziela nga ha Nñe." Naa o kundelwa hani u Li vhona, vharathu? Ndi ngauri two no porofitwa uri vha do zwi ita.

⁵⁵ Huno two ralo na ñamusi, swiswi litswu li khou da kha vhathe, nahone khezwi ri fhano! Mudzimu o kovhela Ipfi Lawe uri li vhonadzwe lino duvha, huno ndi tshone Tshedza fhedzi tshire ra vha natsho, huno Mudzimu u khou yo tendela muñwe muthu u vhonadza ilo Ipfi. Muñwe u khou yo zwi ita. O zwi fulufhedzisa, nahone U shuma kokotolo vhunga zwe A dzulela u ita ngazwo.

⁵⁶ Ha athu shandukisa maitele Awe a mushumo. U porofita zwine zwa do bvelela, zwenezwo U rumela muñwe muthu fhasi huno a khwañhisidza hezwo. Huno li pfuka tsho ya dzimilioni, ngauri, swiswi lo tibedza lifhasi nga itsho tshifhinga. Huno vhathe vha funa swiswi u fhira zwine vha ita Tshedza, ngauri swiswi li na u diphina hunzhi.

⁵⁷ Ndo vhona mutambo wa Hollywood, a si kale-kale, ha pfi, "Vhutshilo vhu thoma nga murahu ha musi duvha li tshi kovhela." Ndi musi lufu lu tshi thoma; hedzi kiñaba dzothe dza vhusiku, na hune vha elekanya uri vha khou tshila hone. Vha khou fa.

⁵⁸ Mudzimu, u rangani, o fhandekanya tshedza na swiswi. O dzulela u ita hezwo. Naa U itani? U a sukumeda ilo, nga tshedza tshi no khou da, U sukumedzela swiswi kha linwe sia la lifhasi.

⁵⁹ Huno izwo ndi zwone kokotolo zwi no khou khunyelela zwino. Hu tou vha phanda ha duvha. Naledzi ya mutsho yo bva uri i vuse duvha li daho. Huno Muya Mukhethwa u tshi khou sumbedza Tshedza Tshawo. Tshi khou da tshifhinga tshire Tshedza na swiswi zwa do tea u fhandekanya, tshiñwe kha tshiñwe. Tshiyhidzo na oda yatsho zwi do langa shango; huno Kristo na pfulufhedziso ya Ipfi-Tshedza Tshawe zwi do ya kha U Takulelwa Tañulu. Itsho ndi tshone tshithu fhedzi tsho vha salelaho uri vha ite. Ndi duvha, ñamusi, ndi mapfuvhi a duvha

liswa, ngauri ndi vhanzhi vhane vha khou lavhelesana na u Vhuya Hawe.

⁶⁰ Vhanzhi nga maanda, vhathu vha vhungoho namusi, ndi zwine zwa fhisa mbilu dzavho, vhanzhi nga maanda, vhathu vhavhuđi vha fulufhedzeaho vhunga Maria na Yosefa. Vho vha vha tshi khou bva munyanyani, huno vha sia Yesu. Vhathu vhanzhi vha ita zwenezwo zwithihi namusi, vha tshi elekanya uri U navho. Zwino, ndi khou ḥodā u vheya hetshi tshedza tshițuku kha inwi, uri ndi ni sumbedze uri Ipfi la Mudzimu a li kundelwi hani.

⁶¹ Rothe ri fhano, ano masiari, vhane vha vha Vhakriste, ri tenda uri Yesu Kristo o vha a Ipfi la Mudzimu, lo vhonadzwaho. Ri tenda uri O bebwā nga musidzana tshipofu. O vha a thaberanakele ye Mudzimu Ramaanda-othe a dzula khayo, fhano kha liphasi. Hu si muporofita fhedzi, a sa tou vha munna zwawe, fhedzi Mudzimu Ene muñe o vhonadzwaho nga tshivhumbeo tsha muthu. O vha e *Imanuele*, “Mudzimu u na rine.” Ri a zwi tenda izwo, nga mbilu dzashu dzothe. Huno zwino dzhielani nzhele musi Marija kana . . .

⁶² Maria, kha ndi ralo, na Yosefa, a tshi elekanya uri Yesu o vha e navho, vho vha vha tshi khou tou ḥalukanya uri O vha e navho, vha tshi khou elekanya, “Zwi tea u luga. O teya u vha na rine.” Fhedzi vho vha vha tshi khou khakha nga maanda. O vha a so ngo ralo.

⁶³ Vhathu vhanzhi nga maanda, vhavhuđi vha nga u ralo namusi. Vha a elekanya, vha vhona awara i tshi khou sendela, vha a divha uri tshiňwe tshithu tshi tsini na u bvelela, naa vha itani? Vha ya u dzhoina tshivhidzo, vha tshi elekanya uri U navho. Vha khađana na mureri, vha tshi elekanya uri ndi zwenezwo fhedzi zwine vha tea u ita, “U navho.” O khwathisedzwa kana a lovchedzwa nga iñwe ndila, ndi zwenezwo fhedzi zwine vha tea u ita, a tshi elekanya uri Yesu u navho. Mukomana, khaladzi, u tou fana na Maria, Yosefa, wa kale, vhathu vha vhungoho vhukuma, naho zwe ralo vho khakha.

⁶⁴ Vhutshilo haňu vhu sumbedza uri kana Yesu u na inwi kana hai. Vhutshilo haňu vhu sumbedza uri kana O dzula *fhano*, kana uri U kha di vha mađađuluni Awe kana hai, tshiňwe na tshiňwe tshine na vha tshone. “Mishumo ine nda ita na vho inwi-vho ni ḥo ita-vho.” Naa ni nga vha hani na Kristo kha inwi, huno zwenezwo wonoyo Muya kha inwi u hana Ipfi Lawe, wa dzhia ndaela vhudzuloni? U nga si zwi ite. U ḥo Dikunda nga u ha Ipfi Lawe Ene muñe.

⁶⁵ Nga nthani ha uri muňwe o vhea ḥalutshedzo yo khakheaho Khalo? Ni na Bivhili, ni nga vhala sa muňwe muthu-vho. Ivhani vha vhungoho.

⁶⁶ Dafita o ri, “Mu vheeni phanda ha tshifhađuwo tshanu tshifhinga tshothe.” Ni a divha uri musi ri tshi ḥangana na uyu

ñwaha muswa, ri khou ṭangana nawo nga maanda a mvuwo ya Kristo. “U phanda hanga tshifhinga tshothe. A thi nga dzinginyisiwi.”

⁶⁷ Dzhielani nzhele uri Ipfi li sa kundelwi hani. Maria na Yosefa... Zwino kha vhoiñwi, khonani dzanga dzi funeaho dza Katolika, dze dza ri Maria o vha a mme a Mudzimu. Maria o vha a si mme a Yesu, ri sa ambi e mme a Mudzimu. Naa vha nga vha hani? Ndi zwone. A hu na tshifhinga na tshithihi tshe A vhuya a vha vhidza sa mme; na luthihi.

⁶⁸ Vho da Khae nga tshiñwe tshifhinga, huno vha ri, “Mme anu na vhakomana vha lindela nnnda.”

⁶⁹ A sedza kha tshivhidzo Tshawe, a ri, “Naa mme Anga ndi nnyi? Naa vhakomana Vhangana ndi vhonnyi?” A sedza vhafunziwa Vhawe, ha pfi, “Avho vha no ita lufuno lwa Khotsi Anga, avho zwi fana na mme Anga, Vhangana...”

⁷⁰ Kha tshifhambano, musi O vha a tshi khou fa, O dovha a amba tshithu tshithihi. A ri kha Yohane, Yohane hafha, uyu munna, “Murwa, vhonani mme anu!” Hu si, “Mma, vhonani murwa wau.” “Musadzi, vhonani murwa wañu!” Hu si, ni a vhona, o vha e si mme a Mudzimu.

⁷¹ O vha a tshi tou vha mbumbelo yo hadzimiwaho ye Mudzimu a i shumisa; zwi sa fhiri muñwe musadzi ane Mudzimu a mu shumisa. A nga di shumisa (yañu) mbumbelo ya mbilu yañu, u ñivhadza Murwa Wawe, arali ni—arali ni tshi do tou Mu tendela u zwi ita. Ni a vhona? A si mme a Mudzimu. Hu do tea u vha na munyanyuwo, na u vha mbeu ya Maria. O vha a si mbeu i bvaho ha Maria.

⁷² Ho vha hu, tshithu tshothe, ho vha hu Mudzimu, Musiki. Arali Adamu wa u thoma mürahu hafho o sikwa a si na khotsi na mme, Adamu wa Vhuvhili o vha a tshithu tshithihi. Huno tshiñwe na tshiñwe tshi re fhasi ha hetsho tshi nga si Mu vhee kha u edana Nae. Ndi zwone. Mudzimu onoyo muthihi, O sika muvhili we A Dzula ngomu hawo.

⁷³ Zwino ri wana, sedzani uri hani, sedzani, arali Maria o vha e mme a Mudzimu, nga ndila ye a khakha, heneffo. A ri, “Khotsi au na nne ro u ḥoda nga mitodzi.” Vha tshi landula mbebo ya musidzana, “Khotsi au, Yosefa, na nne, ro U ḥoda.”

⁷⁴ Sedzani uyo Mutukana wa miñwaha ya fumimbili, Ñwana wa miñwaha ya fumimbili, a tshi ri, “A ni zwi ñivhi uri ndi teya u vha kha mushumo wa Khotsi Anga, a tshi kho ṭa na idzo dinomineisheni n̄ha heneffo?” Zwino, arali O vha e na, malugana na mushumo wa Yosefa, O vha a tshi do vha o vha fhasi ngei vhengeleni la muvhadi. Yosefa o vha a si khotsi Awe. Mudzimu o vha e Khotsi Awe. “A ni zwi ñivhi uri ndi tea u vha kha mushumo wa Khotsi Anga?” N̄ha heneffo, e na miñwaha ya fumimbili nga vhukale, e na avho vhotshifhe vho gudaho.

A si na ḫuvha tshikoloni, fhedzi naho zwo ralo vho vha vho akhamadzwa nga vhuṭali. Huno sedzani kha . . .

⁷⁵ O vha e Ipfi. Musi A tshi bebwa, O vha e Ipfi. U kha di vha Ipfi. Dzhielani nzhele, Ipfi lī nga si dzhie tshithu tshi re tshone. A ri, “Khotsi au na nn̄e ro u ḫoda nga miṭodzi.”

⁷⁶ Ha pfi, “A ni zwi ḫivhi uri ndi fanelu u vha mushumoni wa Khotsi Anga?”

⁷⁷ O kaidza mme Awe? Mulandu? O vha e Ipfi. Ho vha hu tshi do vha na mbudziso ḫhalukanyoni ya muñwe muthu, arali Maria hafha, we a vhuya a ri “Muya Mukhethwa” wo mu tsira nahome wa beba Murwa, huno zwenezwo hafha u khou vhidza Yosefa khotsi. Ipfi a lī kundelwi. Lī nga si kundelwe.

⁷⁸ “A ni ḫivhi uri ndi tea u vha kha mushumo wa Khotsi Anga?” Huno O vha e kha mushumo wa Khotsi; hu si—hu si mushumo wa Yosefa, a tshi ita mahothi na—na zwithu zwa muvhadi. O vha e kha mushumo wa Khotsi Awe, a tshi khou onyolosa politiki ya vhurereli ye vha vha vhe nayo nga ilo ḫuvha. “A ni zwi ḫivhi uri ndi tea u vha kha mushumo wa Khotsi Anga?” Ee, mune wanga.

⁷⁹ Vhatu vhanzhi ḫamusi, kha vhanzhi ha izwi zwivhidzo zwavhudī, vha khou ya ngomu ha iyo khoro ya tshivhidzo; hu si “u ḫuwa” ngomu, vho no vha heneffo. Vha khou elekanya uri izwo zwi tou vha kokotolo tshithu tshire tsha tea u itwa, “Nga khonani, ndi zwavhudī, naa ri nga si de rothe?” Mulandu, vho vha vha tshi khou lingedza, vhothe, lwa miñwaha, u ita Vhamethodisi vhothe Baphuthisi, na Vhabaphuthisi vhothe Mupuresibeterieni; Vhapentekostala vho lingedza u ita avho Vhapentekostala vhothe. Ni nga si kone u ita hezwo, fhedzi khoro ndi phindulo yañu. Iyo ndi phindulo, zwine Bivhili ya amba uri vha do ita, huno izwo zwi tou vha kokotolo zwe vha ita. Zwivhidzo zwa khonani ndi, ee, mune wanga, u kuvhangana huthihi, “Zwavhudī, kha ri vhe na vhuṭama!”

⁸⁰ Bivhili yo ri, “Naa vhabhili vha nga tshimbila hani vhothe nn̄dani ha musi vho tendelana?”

⁸¹ Vhanwe vhabhili vha landula mbebo ya musidzana tshipofu. Phesenthe dza fumalo dza zwivhidzo zwa Phurositente dzi hana mabebo a tshipofu. Huno vha landula ndovhedzo ya Muya Mukhethwa. Vha hana zwiga zwa u Da Hawe, Maanda a mvuwo. Vha hana uri Ha shanduki mulovha, ḫamusi, na lini na lini. Ni nga ralo hani, musi Mudzimu a tshi vheya hohu u vilingana hothe shangoni ngauri musadzi liñwe ḫuvha o timatima vhuimo vhuṭuku vhuthihi ha Ipfi Lawe? Sathane o mu vhudza Ngoho, zwe the fhedzi tshithu tshithihi, fhedzi itsho tsho vha tshi tshone tshithu tshe tsha vhangha khakhathi yothe. Zwino, arali u reñwa nga mbilu hothe na vhuṭungu hune na tea u vhu sedza, ngauri ndima ḫukhū nthihi Yalo yo timatimiwa, naa ni elekanya uri vhuimo vhuṭuku vhuthihi ha u timatima vhu do vhuya ha ri džhenisa?

⁸² Ndi ngazwo Yesu a tshi khou ḋela Tshipofu tshi si na tshilavhi, tsho kuna, o ḋala Muya Mukhethwa, huno hu si wa shango, fhedzi a Maanda a Mudzimu. Oo, zwi mangadza hani u divha uri hu na khonadzeo ya u dzhena kha itshi Tshigwada! Naa ni zwi ita hani? Ni nga si zwi ite na khathihi nga u vha murado wa dzangano. Ni do zwi ita musi no lovhedzwa nga Muya Mukhethwa, kha Muvhili wo dzumbamaho wa Yesu Kristo, o vuswa Nae kha mvuwo, o vhofhololwa lufuni na tshivhi. Ndi yone ndila i yothe.

⁸³ Swiswi! Dzidinomineisheni khulwane, na tshigwada tshihulwane tsha vhathe tshi a kuvhangana huno tsha vhekanya mihibulo yavho nga Halo, huno izwo zwi ni posela heneffo murahu ngomu ha u thwista vhunga zwe zwa vha zwi zwone u rangani. A hu na mafulufhelo na luthihi kha ilo fhungo; no ṭuwa fhedzi. Huno vhothe vha vhonala vha tshi tou nyanyuwa nga ha uvhu vhukonani ha zwivhidzo, humbula uri arali Mudzi a tshi do vha navho. "Zwo luga, Nwahagidi u khou ya u thoma musi khoro i tshi kuvhangana yothe n̄tha hafho, na nyito dzothe dza u vhuedzanya, na zwiñwe-vho," huno vha vha mirado. Naa vha khou itani? Vha tshi ita tshifanyiso tsha ḋivhanda, one maanda, hune zwe the zwi si dinomineisheni, na zwiñwe zwinzhi, zwine zwi nga si dzhoine nazwo, zwi do valwa. Itanu lavhelesa huno ni vhone arali izwo zwi tshi iteya.

⁸⁴ Ndi nayo yo ḋivalwa hafha fhasi, duvha lenelo line ra... Murena o ntendela u vhona izwo nga 1933. Huno ngeyi kokotolo ndila ye a...nga ndila ye A amba, zwi tshi khou tou da nga ndila i fanaho, uri mupapa u do ḋutshela Roma hani, na zwiñwe zwinzhi.

⁸⁵ Zwino, ndi vhathe vhabhudzi, fhedzi vha khou khakha. Yosefa na Maria who vha vhe vhathe vhabhudzi, fhedzi vha tshi khou khakha vhukuma. Fhedzi ho vha hu mini? Mudzimu o shumisa Mutukana wa miñwaha ya fumimbili u sumbedza uri ilo Ipfi li tea u dzula lo kuna, kokotolo zwe La vha li zwone, zwe La amba lwa u thoma, "O bebwa nga musidzana a sa ḋivhi munna," huno izwo ndi zwe A vha e zwone.

⁸⁶ A tshi elekanya uri O vha e navho musi who no vha mirado ya zwivhidzo, na zwiñwe-vho, fhedzi Lo vha li si lone. Zwino, fhedzi kha Vhanangiwa... Zwino, ilo ndi swiswi, huno ndo vha ndi tshi nga dzula kha hezwo u itela inwe awara.

⁸⁷ Fhedzi kha Vhanangiwa, vha vhudzi nahone who vhidzwa, Vhakhethwa vha Mudzimu, ndi ri kha vhoiñwi, uno ḋwaha u daho: Shalom, mulalo wa Mudzimu!

⁸⁸ Awara i fhano! Arali ndo vha ndi tshi do vha ndo vha ngei murahu maduvha a sa athu sikwa, huno nda sedza fhasi huno nda vhona tshithu tshothe, huno Khotsi o vha o ri kha nne, "Naa ni do ḋoda u tshila duvhani lifhio?" Ndi do amba zwino, zwa zwino! Iyi ndi awara! Iyi ndi awara khulwanesa ye Tshividzo

tsha vhuya tsha sudzulutshela khayo, phanda ha u da ha Muhwe. Oo, Tshivhidzo tsha vhukuma tsha Mudzimu a tshilaho tshi tea u vha kha mulilo, tshi tshi khou swa, nga Tshedza tsha Mafhungo-madifha tshi tshi khwathisedzwa vhukati havho. “Vuwa nahone u vhone tshele, ngauri Tshedza tsho da kha iwe,” Tshedza tsha lino duvha. Yesaya o vha e tshedza tsha duvha lawe. Noaxe o vha e tshedza tsha duvha lawe. Ndi ngani? O vha e na Ipfi lo vhonadzwaho. Huno Mafhungo-madifha, Maipfi a Bivhili a lino duvha, ndi Tshedza tsha duvha. Ndi tshifhinga tsha vhugala-de tshine ra khou tshila khatsho nandi!

⁸⁹ Zwino, “matsheloni avhudi” zwi amba *mulalo*. Swiswi li khou kuvhangana. Li khou kuvhanganelo mini? U subedza Tshedza. Yesaya 60:1, “Takuwa nahone u vhone tshele, ngauri tshedza tsho da kha iwe.” Ndi ngazwo ndi tshi nga ri, “*Mulalo*,” tshedza tsho da kha inwi, *mulalo* wa Mudzimu kha Musadzi o nangiwaho, kha Mufumakadzi o nangiwaho; avho vhe Mudzimu, shango li sa athu tehwa, a vha vhidzela nnnda huno a vha odeinela Ilo.

⁹⁰ Vhañwe vhothe a vha nga do vhuya vha Zwi vhabona. A vha nga divhi tshithu nga Hazwo. Bivhili yo ralo. Huno Yesu o ri, “A hu na muthu ane a do da kha Nne nnndani ha musi Khotsi Anga vho mu kokodza, u thoma; huno vhothe vhe Khotsi a Nnea vha do da.” Izwo ndi . . .

⁹¹ Heneffo ho ima Yudasi, Tshedza tshi penyaho *hafha* ntha, fhedzi murahu mibiluni yawe ho vha hu na mbeu yo swifhalaho. Musi makhaulatsheli a tshi da, swiswi lo sumbedza.

⁹² Hafha ho vha hu na muñku, mukegulu, o swifhaledzwaho tshoñthe, ntha *hafha* phanda, fhedzi fhasi *hafha* ho vha hu mbeu yo tiwaho. Huno musi Tshedza tshi tshi da, Tsho balanganya swiswi, huno tsha sumbedza. “Ri a divha uri Mesia u khou da, huno, musi A tshi ralo, U do ri sumbedza hezwi zwithu.”

Yesu a ri, “Ndi Ene.”

⁹³ Fhedzi Yudasi o Li timatima, nangwe two ralo u tea u vha a tshi khou tshimbila Tshedzani. Ni a vhabona, Tshedza ntha *hafha* a tshi na thaidzo; ndi Tshedza fhasi *hafha* tshire tsha vha tsha ndeme. Tshedza ntha *hafha* tshi do tshimbila na u ledzana, na zwiñwe twoñthe; fhedzi musi maanda a vhukuma a Mudzimu a tshi dzhena, zwi nga si vhuye murahu kha *heyi* mbeu yo faho, zwi do vhabonadza kha dinomineisheni.

⁹⁴ Fhedzi musi Tshi murahu *hafha* fhasi, mbeu ya vhukumakuma, yo tiwaho, musi itsho Tshedza tshi tshi tsela fhasi *hafha*, tshi sumbedza swiswi loñthe kule na inwi, huno tsha ni vheha kha vhuñama na Kristo. O vha e Ene We a ni nea Vhutshilo shango li sa athu tehwa, nga iñwe ndila na khathihi ni nga si Vhu vhone, zwe Mudzimu a amba.

⁹⁵ Zwino, kha vhabonwi Mbeu yo tiwaho, *Mulalo!* Amen. *Mulalo* wa Mudzimu u awele kha inwi, ngauri ri tsini na magumo zwino.

Ri tsini na magumo. Ri khou ya u amba nga itsho tshigwada, lwa tshikhalyanya. Mulalo!

⁹⁶ Tshedza tsha Mudzimu tsho da. Ipfi, Tshedza, tsho khwathisedzwa hafhu, uri ni kone u vhona u vhonadzwa ha pfulufhedziso ya Mudzimu ya lino duvha. “Fhendani Marwalo, Khao ni elekanya uri ni na Vhutshilo Vhu Sa Fheli.” A ḥanziela nga ha duvha line ra khou tshila khalo. Naa Tshedza tsha duvha ndi mini? Naa pfulufhedziso ya Bivhili yo itelani ili duvha? Ni a vhona uri ndi awara-de!

⁹⁷ A zwi mangadzi Yesu o vha kaidza uri vha songo tenda Yohane. O vha e tshedza, ngauri muporofita o amba zwauri u do da. Huno heneffo o vha e hone, tshedza tsho vhonadzwaho. A vho ngo tshi vhona. A vho ngo tshi pfesesa; vho elekanya uri o vha e Mesia, huno *vho* elekanya tshiñwe tshithu-vho, na *itshi* tshiñwe. Who kundelwa u Li vhona.

Yesu u a da. Zwiedza zwivhili zwi nga si penye nga tshifhinga tshithihi.

⁹⁸ Hu nga si vhe na tshedza tsha tshivhidzo na Tshedza tsha Mudzimu tshi penyaho nga tshifhinga tshithihi. Hu tea u vha Tshedza tsha Mudzimu tshi no khou bvisa tshedza tsha tshivhidzo. Huno izwo ndi kokotolo zwine zwa khou itea namusi. Mudzimu u khou fhandekanya vhukereke u bva kha Tshedza Tshawe tsha Ipfi lo fulufhedziswaho la ino awara ine ra khou tshila khayo. Iyo ndi Ngoho, khonani. Ni nga di vha ni sa ḥodi u zwi tenda izwo, fhedzi itonu lindela huno ni wanuluse arali zwo ralo kana hai. Ni songo lindela, ndi khwine ni tshi dzhena ngomu zwa zwino musi hu na tshikhala tsha u dzhena.

⁹⁹ Ipfi ndi Tshedza musi Li tshi khwathisedzwa. U swika Ipfi, lo fulufhedziselwa duvha, li tshi khwathisedzwa, zwenezwo a si Tshedza. Zwi nga si ralo. Arali Mudzimu o ri, “Kha hu vhe na tshedza,” huno ha sa vhe na duvha li no bvelela, a hu na tshiga tsha tshedza. Fhedzi musi Mudzimu o ri, “Kha hu vhe na tshedza,” huno ha vha na tshedza. Musi Mudzimu o fulufhedzisa Mesia, Mesia a da, zwenezwo Ipfi Lawe la vuledzea huno O vha e Tshedza tsha awara. Musi O fulufhedzisa Noaxe, huno A fulufhedzisa vhañwe, na u tsa fhasi, vho vha vhe tshedza tsha awara.

¹⁰⁰ Huno hu na Tshedza tsha awara namusi, uyo ndi Yesu Kristo nga maanda a mvuwo Yawe, Ipfi Lawe lo fulufhedziswaho lino duvha. “Mishumo ine Nda ita, na inwi ni do ita-vho; mihulwane u fhira iyi ni do ita, ngauri Ndi ya ha Khotsi.” Mishumo mihulwane, zwithu zwihulwane u fhira zwe A ita? Naa ni a zwi tenda? Ndi a zwi tenda. Zwi vhonala zwo nyadze. Zwi vhonala u nga zwi ya nga nt̄ha ha ḥoho dza vhathu. Sedzani musi O vha e fhano kha lifhasi, naa no vha ni tshi nga ita hani “mihulwane” mishumo? Ndo no zwi ḥalutshedza hezwo, zwifhinga zwinzhi, “zwo engedzeaho,” fhedzi zwenezwo zwithihi. “Muhulwane,” O

amba kha Yohane Mukhethwa 14:12, “mishumo mihulwane u fhira iyi ni do ita.”

¹⁰¹ Naa no dzhieila nzhele? Musi A tshi ya u ita madi kha veini, O dzhia madi, u thoma; tshithu tsho no sikwaho, huno a tshi ita veini. Musi A tshi kanzwa vhathu vha zwigidi zwiyanu, O dzhia khovhe ye ya vhuya ya tala madini, a i nwata, a i nekedza nnnda, huno a andisa tsiko. O dzhia tshinnkwa tshe tsha vha tshi goroi, a baka ngomu ha vhurotho, a vhu nwatekanya nahone a vhu nekedza kha... a tshi nekedza kha vhathu, huno tsha humela murahu hafhu. O andisa tsiko!

¹⁰² Fhedzi mađuvhani a u fhedzisela, hune ha sa vhe na tshiga tsha tsiko, U i amba ngomu ha tsiko, naho zwo ralo, zwi sumbedza u vha Mudzimu muthihi we a vha e hone mathomoni. A nga sika zwisindzi, A nga kona u sika tshiñwe na tshiñwe tshire A tođa, ngauri ndi Ene Mudzimu. “Zwithu zwihiulu u fhira hezwi ni do ita, ngauri Ndi ya ha Khotsi Anga.” Ipfi a li kundelwi, huno Li tea u vhonadzwa nahone la tea u khunyelela. “Muhulwane kha izwi ni do ita,” hu si u andisa, fhedzi u amba ngomu ha tsiko.

¹⁰³ Dzhielani nzhele kha Ipfi zwino musi O fulufhedzisa. Gai, ri ngafhi, zwenezwo? Naa ri khou tshila duvhani lifhio? Naa awara ndi mini? U vhonadzwa ha Ipfi la Mudzimu, vhunga zwo ralo nga awara dzothe. Ni na Mulaedza nga ha *Zwikathi Zwa Sumbe Zwa Tshivhidzo*. Sedzani kokotolo uri tshiñwe na tshiñwe tsha izwo zwivhumbwa tsho yaho nnnda, na Mavhanda e a zwi tevhela. Sedzani kokotolo arali tshi songo rwa phasi nga kha tshikhathi tsha vhashandululi, na tshikhathi tshiñwe na tshiñwe, kokotolo nga ndila ye zwa vha zwi tshi tea u vha ngayo, kokotolo zwe Ipfi la amba. Huno ngauralo Muya Mukhethwa u do vhonadza ñamusi kokotolo zwe Bivhili ya amba uri zwi do vha zwone.

¹⁰⁴ Ri vcona murunzi mađadulu na kha lifhasi, na zwithu zweithe, na dzikhoro na zwithu zwi tshi khou dilugisa.

¹⁰⁵ Huno ri a vcona, vhukati ha izwo zweithe, Mafhungo-madjifha a vhugala a Yesu Kristo, o fulufhedziselwa lino duvha, a tshi khou Divhonadza. Ri khou tshila kha tshifhinga tshavhudzi. Mulalo kha vhoiñwi vhane na vha na Ipfi phasi mbiluni yanu, no nangiwa shango li sa athu u sikiwa, u pfa Ipfi la lino duvha. Arali na sa ralo, ndi nwaha muvhi wa vhoiñwi phanda. Arali no ralo, ndi shango la vhudi la vhoiñwi phanda, kana duvha lihulwane, nwaha muhulu u daho zwino, nwaha muswa.

¹⁰⁶ Hu si u vula siañari liswa; vhathu vhanzhi vha lingedza u fhenda siañari liswa nga nwaha muswa, u li humisela murahu duvha li tevhelaho.

¹⁰⁷ Vhunga tshiñtori tshiñtuku tshe nda vha ndi tshi khou vhalmañwe matsheloni. Musadzi o vhidzelela kha munna wawe, we a fhinduwa huno a ya u wana gurannda ya matsheloni, huno o vha a tshi khou vhalmañwe matsheloni. A ri...A ri, “Naa hu na tshiñwe tshithu tshiswa kha mafhungo?”

A ri, "Hai, zwi tou vha zwenezwo zwithihi, vhathu vho fhambanaho fhedzi."

¹⁰⁸ Izwo ndi nga ndila ine zwa vha ngayo namusi, zwenezwo zwithihi. Ri na dzangano liswa, pfunzo yeneyo nthihi ya kale; u tou dzunguluwa u mona, muñwe muthu o wana tshipida tshiṭuku tshazwo a tshi ya nga *iyi* ndila kana *ila* ndila.

¹⁰⁹ Heli ndi ḫuvha liswa. Haleluya! Heli ndi ḫuvha line ra tea u vuwa nahone ra penya, kha Maanda a Yesu Kristo. Swiswi litswu li tshi khou dzhena kha lifhasi; hu tea u vha na ḫuvha liswa ḫashu, ee, ngoho, a tshi zwi ita nga ndila ine A zwi ita. Fhedzi rembulutshelani kha Ipfi Lawe huno ni vhone pfulufhedziso yo fulufhedziswaho lino ḫuvha, huno ni do divha uri kana ni khou tshila kha Tshedza tsha ḫuvha kana hai. U shandukisa khalenda a zwi shandukisa tshifhinga; i shandukisa fhedzi khalenda.

¹¹⁰ Zwino thetshelesani nga vhuronwane. Itani sa zwe Dafita a ita, vheani tshifhinga tshaṇu tshi daho tshandani Tshawe. "Hani? Naa ndi khou yo ḫivha uri ndi tea u itani, Mukomana Branham?" Vheani vhumatshelo hanu tshandani Tshawe. A hu londwi tshine tsha da kana tsha ṫuwa; Mu fulufheleni. Ndi ene Ipfi, zwino ḫivhani. Dafita o ri, "Tshifhinga tshawe tshi tshandani Tshanga. Fulufhelani Khae tshifhinga tshoṭhe. Tshifhinga tshoṭhe fulufhelani Khae." O ḫivha uri ndi Nnyi we a fara vhumatshelo, Dafita o ralo, heyo ndi yone mbuno a tshi nga amba hezwi. Hu na Muthihi fhedzi o faraho vhumatshelo, uyo ndi Mudzimu. Ngauralo, U fara hone—hone vhumatshelo, Mu tendeleni a ni fare. Zwo luga.

¹¹¹ Vhanwe vhathu vha ri, "Fhedzi, Mukomana Branham, ndo lingedza nahone nda lingedza."

¹¹² Fhedzi imani lwa tshifhinganyana. U kondelela ndi maanda. U kondelela ndi maanda a Muya Mukhethwa. "Avho vha lindelaho kha Murena u do vha vuseledza nungo dzavho."

¹¹³ Inwi ni ri, "Naa ndi nga lindela hani?" Itonu dzula no lindela. Musi no ita zwe the zwine ni nga kona u zwi ita uri ni ime, zwenezwo imani, ni a vhona, itonu ima. "Naa ndi khou yo zwi ita hani?" Imani! O amba uri ndi Ngoho, huno ndi Ngoho. O ri zwi do bvelela. "Hani?" A thi ḫivhi; fhedzi zwi do itea. O amba nga u ralo. O zwi fulufhedzisa. Arali O zwi fulufhedzisa, zwi khou yo bvelela. Ndi zwenezwo fhedzi. Zwi nga si tambisee.

¹¹⁴ Ngauralo zwino itanu elelwa, Mudzimu o dzhia miñwaha ya zwigidi u vuledza pfulufhedziso Yawe ya u da ha Mutshidzi. Miñwaha ya zwigidi zwiña, Mudzimu o dzhia u khunyeledza iyo pfulufhedziso. Fhedzi O ḫivha, u bva mathomoni, uri zwi khou ya u itea lini. O ḫivha; a hu na muñwe we a ita. O tou amba uri zwi do bvelela. Huno musi zwi tshi bvelela, vhathu vho vha vhe kha phuro ya u ralo, u swika vha si tsha ḫivha uri vha nga zwi ḫanganedza hani. Arali izwo zwenezwo zwithihi zwi songo

dovhololwa hafhu! Tshifhinga tshothe zwi a ita, na khathihi a tshi kundelwi, masia othe, tshifhinga tshothe.

¹¹⁵ O ita mini kha iyi miñwaha? O sumbedza zwifanyiso zwa u da Hawe.

¹¹⁶ O zwi sumbedza kha Yosefa. Arali na nga lavhelesa vhutshiloni ha Yosefa; a tshi vhengwa nga vhakomana vhawe, a funwa nga khotsi awe. Ndi ngani? Ngauri o vha e wa tshimuya, ngauri o vhona mabono. Vhanwe vhothe a vho ngo vhona mabono; vho vha vhe vhokhotsi fhedzi a vho ngo vhona mabono, u ḥalutshedza miloro. Fhedzi vho vha vhe na vivho nae. Huno o rengiswa kaṭukutuku nga maseṭha a furaru, o bviswa museleni he a vha a tshi tea u vhulawa, a dzula kha tshanda tsha u la tsha Farao. Huno musi a tshi ṭutshela khulunoni, ḥulhalafhala lwa lila, “Gona kha li gwadame; Yosefa u khou da!”

¹¹⁷ Zwi tou vha kokotolo zwe Yesu a itwa, o dzula kha tshanda tshaula tsha Mudzimu. Huno musi A tshi ṭutshela Khulunoni, phalaphala dzi do lila. Huno magona othe a do gwadama, nahome a bula kha Yesu Kristo, Murwa wa Mudzimu. Kokotolo.

¹¹⁸ O zwi sumbedza nga zwifanyiso zwa Dafita, musi a n̄tha kha... khosi yo landulwaho yo sedza seli ha Yerusalem, i tshi khou tswimila. “Ndo vha ndi tshi do dzulela u ni kuvhatedza hani, sa khuhu i tshi ralo kha zwikukwana zwayo, fhedzi no vha ni n̄ga si ralo.”

¹¹⁹ Fhasi nga kha tshikhathi, O zwi sumbedza nga zwifanyiso, a tshi divha uri liñwe ḫuvha tshifanyiso tsha u fhedzisela tshi do khunyelela, na u vhonadzwa ho fhelelaho ha Mesia o fulufhedziswaho Wawe hu do vha henefho. Huno musi pfulufhedziso yo fhelelaho i tshi da, naho O zwi fanyisa... ḫuvha na ḫuvha, n̄waha na n̄waha, A zwi fanyisa. Huno musi zwi tshi da kha vhukuma, a vho ngo zwi tenda.

¹²⁰ O ita zwenezwo zwithihi, a zwi fanyisa, huno a zwi sumbedza kha zwikhathi zwa tshivhidzo, na tshiñwe na tshiñwe, kha awara ine ra khou tshila khayo, huno vhatu vha swiswini lihulu, zwi vhonalu u n̄ga a vha koni u zwi pfesesa. Tshithu tsho raloho tshi ḥungufhadzaho!

¹²¹ A zwi fhiri u fana na u vhona muṭhannga muswa nn̄da henefho, waghudi, muhulu, muthu muhulu o fhatiwaho na na mavhudzi awe, musi a tshi a kheļa vhunga vhasadzi vha tshi ralo, zwirokho zwipfufhi, na ludzhesi lwa vhasadzi lulapfu lwo nembelela, na zwienda zwa phephulu. Misipha? Yawee, nne nne, ndi tshithu tshi sa takadziho-de u vhidza munna! Ndi tshithu-de tshire tsha nga vhidzwa munna nandi! Izwo ndi zwone.

¹²² Ni vhona vhanwe vhasadzi, vha tshi tea u naka na u funea, vha bva na vhuruku ha vhanna vho ambara, sigarete mulomoni wawe, na mavhudzi o fhungudzelwaho. Ndi tshithu-de tshire tsha nga vhidzwa musadzi nandi! Yesu o vhidza Maria, “musadzi.” Ha tei na u vhidzwa hezwo; u tou vha tshisadzi.

¹²³ Dzhielani nzhele, na awara! Mulandu? Tshiñwe tshifhinga vhathu vha no amba nahone vha elekanya uri vha a fulufhedzea, fhedzi swiswi l̄itswu li navho kha hezwi. Bivhili yo ri vha do vha nga u ralo. Vhalani Yesaya 6 huno ni wanuluse arali vhasadzi vho vha vha sa tei u ita nga iyo ndila maduvhani a u fhedzisela, kokotolo ndi zwe Bivhili ya amba uri vha do vha zwone. Ndi Ipfi la Mudzimu. Yeremia na vhañwe vho fhambanaho vho amba nga ha ino awara ine ra khou tshila khayo, ngauri vho vhona vhufhelo u bva mathomoni. Ngauralo ri vhona izwi zwithu, na swiswi l̄itswu kha vhathu.

¹²⁴ Ee, zwo dzhia Mudzimu miñwaha ya zwigidi, zwa posa... zwi tshi sumbedza zwifanyiso na tshiñwe na tshiñwe, huno mafhedziselon a vho ngo Mu ñdivha musi A tshi da, naho O fanyiswa kha Yosefa na Dafita na Eliya, na vhothe u tsa fhasi nga kha heneffo. O sumbedziwa navho, huno naho zwo ralo a ri koni u pfesesa uri ndi ngani vha songo Li vhona. Huno heneffo zwo vha zwi hone, heneffo kha Luñwalo, “U bva Betlehema la Yudea,” O vha a tshi do bebiwa. Ri wana uri kha Mañwalo, uri O vha a tshi khou tea u bebwa hani, musidzana tshipofu. “Musidzana u do dihwala huno a beba Ñwana, huno vha vhidza Dzina L̄awe Imanuele.”

¹²⁵ Ndi ngani vho Mu vhulaya? “Ngauri O Diita Mudzimu,” huno O vha e Mudzimu. Ngoho, vha a zwi tenda. “O ri U Diita Mudzimu, a tshi edana na Mudzimu, a tshi ri, ‘Ndi nne Murwa wa Mudzimu.’” Mulandu, O vha e ene!

¹²⁶ Bivhili yo ri U tea u vhidzwa, “Mueletshedzi, Mukololo wa Mulalo, Mudzimu wa maanda, Khotsi wa lini na lini, A mangadzaho!” Izwo ndi zwe A vha e zwone. Naa ndi ngani izwo vha songo zwi pfesesa?

A zwi mangadzi O ri, “Ni tea u fhenda Mañwalo.”

Vha ri, “Ri vhafunziwa vha Mushe.”

¹²⁷ Ha pfi, “Arali no vha ni vhafunziwa vha Mushe, no vha ni tshi do Nndivha. Mushe o nwala nga ha Nne.” Huno a vho ngo zwi ñivha.

¹²⁸ Huno awara i kha vhathu hafhu, musi vha tshi do ya kha ndaela dzavho na zwithu, vhudzuloni ha Yesu a funeaho. Izwo ndi zwone. Hezwi zwithu zwi hulu zwi no khou da, huno zwi khou vha qisa kha swiswi lo engedzeaho na swiswi lo engedzeaho. Huno Mudzimu u khou zwi khwathisedza kha Ipfi L̄awe, nga zwiga na zwimangadzo mañaduluni, huno a tshi khou sumbedza, a tshi amba zwithu zwi no bvelela kokotolo kha awara na muniti, zwine zwa do itea. Huno zwenezwo vha isa phanda na u tshimbila nga ndila i fanaho. Zwi vhonala unga a vha koni u zwi thusa. Vhathu vhavhudzi, ee, muñe wanga, vha tshi khou ita zwenezwo zwithihi zwino sa zwe vha ita tshifhingani itsho.

¹²⁹ Ri zwiyhumbwa zwa tshifhinga. Mudzimu ndi zwiyhumbwa zwa U Ya Nga Hu Sa Fheli... Mudzimu ndi tshivhumbwa tsha u

ya Nga Hu Sa Fheli. Ha ngo vhuya a thoma nahone Ha nga gumi. Ngauralo ngani ni sa tou dikumedzela Khae? Sedzani n̄tha, huno ni penyele nga dakalo la Tshedza tsha Ipfi la Mudzimu li no khou penya ñamusi. Ndi ngani vhathu vha sa vhoni Izwo, dzikhonani?

¹³⁰ Thetshelesani, ndi mukomana wanu. Ndi a ni funa. Naa zwi nga si leluwe kha nne u tou kondèlela, musi, huno nda ya phanda huno nda ri, “Oo, zwo luga, ndi do tungunudza kha Hezwi, ndi do t̄ugunudza-...”? A tho ngo itwa nga hezwo. Hai, muñe wanga. Musi hu Ipfi, ndi Ipfi. Mudzimu ri thusé u imela itsho tshithu tshine tsha vha ngoho! Ee, muñe wanga. Zwi do vha zwavhudi, zwa vhukuma, ni do wana u phaphathwa ho engedzeaho mañanani. Fhedzi zwine nda, do itani ndo ima heneffo nga ilo Duvha musi iyo minwe i si na marambo i tshi sumba tshifhañuwoni tshanga huno ya ri, “Wo ñivha zwa khwine, fhedzi wo kundelwa u ri vhudza”? Whew! Hai!

¹³¹ Ndi do nga Paulo, “A tho ngo litsha u ni vhudza Ngeletshedzo yothe ya Mudzimu.” A hu na malofha a muthu kha nne. Kha zwi ye hune zwi nga vha hone. Ndi Ngoho. Mudzimu u a zwi ñivha, huno U a zwi tikedza nahone a ri ndi Ngoho.

¹³² Iyani kha mini, kha Mukomana Branham? Inwi, ni do vha tsilu u ita tshithu tsho raloho. Rembulutshelani kha Kristo, huno U Ipfi! Iyani kha Kristo!

¹³³ Tutshelani kule ha dzindaela! Vhuyevelani ngomu... A thi londi, ni nga di thoma ndaela yanu, miñwaha ya mañana mañanu yo fhiraho, uri ni tou... Izwo a zwi ambi tshithu na tshithihi kha Mudzimu. Avho Vhasadukei na Vhafarisei vho thoma tshifhinga tshilapfu ni sa athu ita, huno vha hañulwa.

¹³⁴ Oo, ni lingedza u vhea vhuñanzi hañu ha Muya Mukhethwa kha nyito dzo fhambanaho. Ndi tenda kha u vhonadzwia ha Muya Mukhethwa. Naa hu itani? Vhapentekosta la vha ri, “U amba nga dzindimi ndi vhuñanzi ha u ranga ha Muya Mukhethwa.” Ndo no vhona vhaloi na madzolokwe vha vhasadzi vha tshi amba nga dzindimi. Ndo vha vhona vha tshi amba nga dzindimi huno vha nwa malofha a bvaho kha dethele la muthu, huno vha porofita nahone vha hana uri ho vha hu na tshithu tsho raloho tshi no nga Mudzimu. Ndo vha ndi gammabani dza muloi he vha vhea penisela kha ñafula huno vha i ita uri i fhufhe n̄tha na fhasi, huno vha ñwala nga ndimi dzi sa ñivheyi nahone vha dzi talutshedza. Ndi zwone. Izwo a zwi na tshithu kha... Naho zwo ralo, ndi tenda uri Mudzimu u amba nga ndimi dzi sa ñivheyi nga vhathu Vhawe. Fhedzi ni vhea khwañhisédo nnzhi kha hezwo, “Ndi ngani hu tshi tea u vha na muñalutshedzi? Ndi ngani u tshi tea u vha mulaedza kha tshivhidzo?”

¹³⁵ Zwenezwo vho inwi vhañwe vhathu, ni ri, “Mitshelo ya Muya, ri ñivha nga u ralo. Lufuno, dakalo, ri wana vhuñanzi nga u ralo.” Ndi zwone? Zwenezwo Saintsia ya Tshikriste yo ni rwa nothe. Vha

ita hezwo u fhira vhoinwi Vhapentekostała nothe, Methodisi, na Baphuthisi, no ḥanganyiswa.

¹³⁶ Sedzani zwine zwa bvelela. I ri ni ndi ni sumbedze mitshelo ya Muya, huno ni vhone arali no vha ni tshi nga dovha na ya kha hezwo. Kha ri dzhie Yesu. Mudzimu nkhangwele aya maipfi ane nda khou yo amba; ndi khou yo Mu furalela lwa muniti, u ni sumbedza, dzhiani heyi khoro ya vhanna hafha, na heyi khoro ya vhanna hafha ano masiari. Ndi do ri . . .

¹³⁷ “Vhane vhanga, hu na Muthu muswa u mona hafha, nga Dzina la Yesu wa Nazaretha, a thi na mushumo Nae! We a vha e wa u thoma. . . . Naa Bivhili yashu i ri funza mini? Mudzimu ndi lufuno. Ndi nnyi we a vha e wa u thoma na inwi musi no bebwā? Waṇu wa vhulenda, tshifhe o aluwaho. Izwo ndi zwone. Ndi nnyi we a da kha inwi musi no vha ni na ḥodea, no vha ni si na tshelede, huno a ni hadzima tshelede? Waṇu wa vhulenda, tshifhe wa kale. Kokotolo. Ndi nnyi we a vheya tshanda tshanu kha mashada anu na kha shada la mme, musi ni tsini na u fhandekana, huno nda ni rabela murahu kha Mudzimu? Waṇu wa vhulenda, tshifhe o aluwaho. Ndi nnyi we a ima na inwi, musi inwi na vhadzula tsini vhanu vho vha vha tshi khou ṭa, huno vha ni vhuisa murahu kha vhuṭama? Waṇu wa vhulenda, tshifhe wa kale. Ndi zwone. Ndi nnyi, ndi ipfi la u fhedza line la khou ya u ambiwa kha inwi nga ilo ḫuvha nga hangei seli? Ndi nnyi? Vha ni litsha na edela heneffo huno na sina; fhedzi waṇu wa vhulenda, tshifhe wa kale u a da nahone a ni fhaṭutshedza, huno a rumela Ipfi la Mudzimu na inwi. Waṇu wa vhulenda, tshifhe o aluwaho!

¹³⁸ “Mini-ha nga uyu Munna a no pfi Yesu wa Nazaretha, zwenezwo, ni a vhone, naa O bva kha tshikolo tshifhio? Waṇu wa vhulenda, tshifhe o aluwaho o do tea u ita tshiṭhavhelo, vhutshilo hawe ḥothe. Makhulu wawe vha mukalaha vho vha vhe tshifhe. Makhulu-kuku-kuku-kuku-kuku wawe vha mukalaha vho vha vhe tshifhe. O vhea tshifhinga tshawe tshothe kha dzangano. O pfumbudzelwa kha Ipfi; u ḫivha zwine a khou amba nga hazwo.”

¹³⁹ Zwino ri khou amba nga ha mitshelo ya Muya: u tou nga, lufuno, dakalo, mulalo, u pvesesa, u kondelela, u lindela, ni a vhone, mutshelo wa Muya.

¹⁴⁰ “Mini-ha nga ha uyu Yesu, naa O bva ngafhi? A ri na ipfi le A vhuya a bva kha tshiṇwe tshikolo. Zwothe zwine A ita ndi u lingedza u thuthekanya zwikolo zwe ra fhaṭa.” Hu si na mutshelo munzhi wa Muya heneffo, naa ndi wone?

¹⁴¹ “O ita mini ntha hafho hune avho vharengi vha ḫungufhadzaho phasi heneffo, na vhoramabindu vhe vha tea u. . . Vhone, a vha fuwi dzinngu, ngauralo vha-vha vhea tshitumba tshiṭuku ngei nda uri munna a kone u disa nngu. Ula ramabindu a ḫungufhadzaho, u-u ḫoda u ḫekedza nngu,

ngauri ndi thodea ya Mudzimu. U disa ngomu yone—yone nngu, u rengisela ramabindu, uri a kone u nekedzela myua wawe. Naa yuu Yesu wa Nazaretha o itani? O rahekanya tafula dzawé; huno a dzhiya inwe nnzi a i luka, a rwa avho vhotshifhe heneffo nn̄da; huno a vhidza wan̄u wa vhulenda, tshifhe o aluwaho, ‘nowa hatsini; muhoi!’”

¹⁴² Zwino ni vhidza izwo mutshelo wa Muya? A zwo ngo ralo. Zwenezwo mutshelo wan̄u wa Muya u khou wela gai? A zwi fhiri zwine na elekanya nga ha u pfela vhuṭungu, huno Ene a tshi khou fhira kha vhunzhi ha vhathu heneffo, mavhuthu o edela, bofu, vhaholefhali, vha thupheaho, vho omaho mirado, vha ṭudzaho, na khathihi a ho ngo fhodza muñwe wavho; o ḫala u pfela vhuṭungu. Vhathu vha re na ḫalukanyo ya ḫama a vha nga do Zwi divha na khathihi. Dziseminarí a dzi Zwi funzi. Ndi nzumbululo. Zwa vhukuma. Mutshelo wa Muya u wela heneffo, a zwi ralo? Avho vhotshifhe vho vha na mitshelo ya Muya kafumi.

¹⁴³ Naa ni do divha hani tshi re tshone? U vhonadzwa ha Ipfi la Mudzimu lo ambiwaho li tshi vhonadzwa, Tshedza tsha awara. Zwa vhukuma. Heneffo ndi zwine vhuṭanzi ha Muya Mukhethwa ha vha zwone, ri tshi tenda Ipfi la Mudzimu musi Li tshi vhonadzwa. O vha e Ipfi, lo vhonadzwaho. Huno vhañwe vhavho vha li hana, vha Li sea, vha Mu nyefula nahone vha Mu vhidza ene—ene mudzia u bvumba, muñwe myua muvh; khovho vhuṭanzi, u amba nga dzindimi, khovho vhuṭanzi ha mitshelo. Vhuṭanzi fhedzi vhu re hone, ndi musi muthū a tshi tenda Ipfi lo ḫwaliwaho. Musi Li tshi khwāthisedzwa, tshimbilani kha Tshedza Tshalo. Yesu o vha e Tshedza tsha awara ngauri O vha e Ipfi lo fulufhedziswaho la awara, huno vha lingedza u vha vhudza nga u ralo, fhedzi vho vha vhe kha—kha swiswisa u Li pfesesa. Zwo ralo, ḫamusi, zwino.

¹⁴⁴ Zwino zwivhumbwa zwa tshifhinga, ro ralo. Kumedzani ndila dzan̄u Khae, huno U do disa vhumatshelo nn̄da nga ngona, ngauri ri tou Mu vhona vhunga A kha Ipfi.

¹⁴⁵ No Mu vhona a tshi khwāthisedza Ipfi lo fulufhedziswaho la ḫamusi. Ni a zwi vhona kha zwiga ḫwedzini. Ni a zwi vhona zwivhidzoni. Elelwani.

¹⁴⁶ “Wo ri, ‘tshivhidzoni,’ naa izwo zwi na mushumo-de na tshivhidzo?”

¹⁴⁷ Lwa tshifhinganyana. ḫwedzi u imela tshivhidzo. Yerusalem ndi dorobo ya kalesa i divheaho shangoni. Melkizedeke u bva kha iyo dorobo; Khosi ya Salema, Khosi ya mulalo, Khosi ya Yerusalem. Izwo ndi zwone, muđi wa kalesa shangoni. Huno uyo wo vha u ḫwedzi, vhunga he mulayo wa imiswa, huno hafha hu da ili gabelo la swiswi la Vhannda li tshi da khalo. A ri, “Tshone—tshone tshivhidzo tshi do kandekanya mbondo dla Yerusalem u swika tshikhathi tsha Vhannda tshi

tshi fhela.” Huno ngoyu hafha. Ri khou tshila heneffo ngomu hawo. U khou humela murahu, zwi na vhuțanzi sa dzina ḥanga li William Branham. Ee, muñe wanga, ri kona u zwi vhona. O tsirwa nga murunzi, a vhonwa, a bvumbiwa; a tshi khou vhidzela nnda Vhanangiwa. Vha pupudzikela ngomu swiswini, vhañwe vhothe, vhunga vha tshi bvela phanđa. Zwo luga.

¹⁴⁸ Zwino ri vhona Ipfi Lawe li tshi khwaṭhisēdzwa. Ri a tenda. Ngauralo arali O khwaṭhisēdzwa Ipfi la namusi, zwine La vha zwone, naa ndi londani zwine ḥwaha wa disa? Naa ndi londa mini ḥwakani? Naa ndi londani uri kana ndi a tshila namusi kana ndi a fa ḥamusī? Ipfi liñwe na liñwe le A fulufhedzisa li do khwaṭhisēdzwa, muñwe na muñwe! Arali A tshi kona u zwi ita ḥamusī, nga murahu ha musi o no zwi fulufhedzisa miñwaha ya zwigidi zwivhili zwo fhiraho; arali hu miñwaha ya tshigidi tsha dana, ḥamusī, Yesu u do vhuya kha lifhasi nga muvhili u vhonalaho, u itela Tshividzo, o—o Rengululwaho, Muselwa, huno a Mu bvisa hafha. Hu sa londwi zwine zwa da, zwine zwa ḥuwa, dzifesheni, vha tshi ri “isa phanđa,” huno vhathu vha nga ambuwa kha swiswi lothe huno vha tenda tshiñwe na tshiñwe tshire vha toda u tshi tenda, fhedzi Yesu Kristo u do vhuya hafhu. Ndi fulufhela vhumatshelo Khae, zwenezwo. “Murena Mudzimu, a thi divhi zwine la matshelo la fara, fhedzi ndi a divha uri U fara matshelo.”

¹⁴⁹ Ipfi Lawe li tou fana na mbila khulu. Ndi vhangana vha vhoinwi vho no vhuyaho vha pfa mbila? Zwo luga, muñwe na muñwe o ralo. Zwino elelwani, muzika wa mbila ndi musi muzika u tshi lidzwa kha litambwa. Ndi elekanya uri izwo ndi zwone, mbila. “Petro na Phele,” ni a elelwa izwo, nganea ya kale ye vha vha tshi anzela u...ndo no pfa hezwo, nga ndila ine vha dzhiya ngoma huno vha ita tshone—tshone tshiñoni tshi fhalaho muri tshi tshi fhala, huno Petro a tshi khou bva, na u lila ha phele, na u tzhema ha ḥanga; mbila.

¹⁵⁰ Zwino, arali ni sa pfesesī mbila, ndi tshigwada tshihulu tsha phosho kha inwi, arali ni sa zwi pfesesī. Ni teya u pfesesa zwine zwa vha zwone. Zwothe zwi itwa nga zwiga na nyito, fhedzi tambo litambwa nga iyī mbila. Zwino, ri dzhiela nzhele, ene a ethe ane a pfesesa mbila ndi musiki huno avho vha na dzangalelo la u zwi divha, vha ya divha tshanduko yayo, vha ya divha zwine zwa itea.

¹⁵¹ Musiki u divha mutshimbilo muñwe na muñwe, u bva magumoni u ya mathomoni, u bva mathomoni u swika vhufheloni. Naa izwo no zwi divha? Uyo we a i ḥwala, u a bveledza izwi, u divha mafhande mañku mañwe na mañwe. Arali a tshi divha mafhande othe, na mulangi u tea u ita nga u ralo, u zwi sumbedza. Zwino ni khou yo thwista hani ndaela yanu kha izwo? U sa ḥalutshedza zwone huthihi hułuku ha ulwo lubadja, itsho tshiga, u pfuka tshiga tshiłuku tshithihi kha mafhande, zwi do xedza okhesitira yothe, xedza mbila yothe.

Zwino ni a divha uri izwo ndi ngoho. Mubveledzi na mulangi vha tea u vha kha wonoyo myua muthihi.

¹⁵² Ndi ngazwo mushumeli na Ipfi la Mudzimu, mbila khulu ya Mudzimu O vha a tshi khou lidza u bva musi mapfuvhi a tshifhinga; mushumeli, kha Ipfi, ha tei u sedza nga hangeno huno a ri, "Ndi tenda uri *izwi* zwi tea u vha nga u ralo; ni tea u Li ita nga *iyi* ndila." U tea u tshimbila nga ndila ine bammbiri la Muzika la amba uri a ite. Iyo ndi ndila ine Mafhungo-madifha a tea u rerwa ngayo, nga ndila ine Ipfi la amba uri A dzhié. Ni a divha, arali no vha ni tshi do posela ndaela ngomu Heneffho, no ita uri tshithu tshothe tshi ḥapanyedzeye. Zwi tea u ya u ita litambwa nga ndila yone kokotolo.

¹⁵³ Mulangi u tea u ya zwe musiki a amba, u lidza kokotolo nga u ralo, muzika. Zwino sedzani, zwe the two itwa nga zwiga, huno zwi tea u vha lushaka lwo teaho lwa tshiga, u nea mubvumo wo teaho.

¹⁵⁴ Paulo o ri, "Arali phalaphala ya neya mubvumo u si na vhuṭanzi, ndi nnyi ane a do dilugisa nndwa?"

¹⁵⁵ Zwino ni a vhona Mubveledzi, Mudzimu, O iwalaho Bivhili, ndi nzumbululo ya Yesu Kristo yothe. O divha tshanduko ya tshifhinga. Huno munna, mu—mulangi a no khou vha sumbedza, tshiga tsha tshikhathi, tshi tea u tshimbila kokotolo na zwiga zwa Bivhili. Hałeluya! Nne nne, nne nne, nne nne, nne nne, nne nne!

¹⁵⁶ Oo, mukomana, khaladzi, naa thaidzo ndi mini nga shango? Ndi ngani ndi tshi penga? Hu na tshiñwe tshithu tsho khakheaho huñwe fhetu. Yone mbila a i khou tendelana na bammbiri la Muzika! Vha khou ita ndaela ya tshividzo na tshiñwe na tshiñwe-vho, musi hu Ipfi li no tea u rerwa, u vhonadzwa. Tshiñwe tshithu tsho khakheaho kha vhalangi, zwenezwo bennde yothe yo ḥanganana, huno a vha divhi zwine vha tea u ita. Vhothe vha seiasa, "Ho bvelela mini? Ndi ngani ni tshi nga ita *izwi*? Mini, *izwi* two bvelela? *Hezwi*, two bvelela hani?" A vha divhi zwine vha tea u ita zwino. U balanganya, ngauri a zwe ngo da nga nyandano na Ipfi. Iyo ndi yone thaidzo kha yashu, ine ra i vhidza, mvuseledzo ya duvha la u fhedzisela. Iyo ndi yone thaidzo kha mulaedza washu wa Pentekoste. Ro bva kha u divhitha na Bivhili, ra ya huno ra ita dzangano vhunga vho ita murahu heneffho. Who bva kha bithi.

¹⁵⁷ Mudzimu, ivha na khathutshelo. Ndi tama ndo vha ndi na maipfi ane nda nga ita uri A nwelele, sa zwe zwa vha zwi zwone, uri ndi kone u zwi phađaladza nahone nda Zwi shela ngomu.

¹⁵⁸ Naa a ni vhonni, mukomana wanga, khaladzi, zwi tea u vha kha nyandano? Mulangi u tea u vha na Ipfi. Musi Li tshi amba tshithu tshithihi, ni songo amba tshiñwe tshithu-vho; tshi do nea tshiga tsho khakheaho, zwenezwo tshithu tshothe tshi bva kha muungo u fanaho. Ndi zwone. Ipfi la Mudzimu ndi u pfela

vhuṭungu huhulu, mbila, zwavhudī-vhudī. Mpfareleni. Ni tea u thoma sa zwe A ita, kha Muzika. Ni tea u thoma Nae. Dzhielani nzhele, dzenanī kha muungo u fanaho Wazwo.

¹⁵⁹ Ni ri, “Zwo luga, ndo vha murado wa tshivhidzo.” A si muungo u fanaho. “Ndo ita nga u ralo.” A si muungo u fanaho. “Nda gonya kha alīṭari huno nda—nda ri, ‘Ndi tenda uri Yesu Kristo ndi Murwa wa Mudzimu.’” Sathane u ita zwi fanaho. Uyo a si wone mmuungo. Ni a vhona, ni bv akha tshuni. Naa ho bvelelani? Khamusī muñwe mulangi o ni vhudza, “Khaḍanāni huno ni vhee dzina ḥaṇu kha bugu; dzhoīnāni kīlābu yashu, dzangano ḥashu.” No bvā kha tshuni!

¹⁶⁰ Zwenezwo musi tshithu tsha vhukuma tshi tshi thoma u bvelela ngeno nn̄da vhukati ha tshivhalonyana tshiṭuku, ni do ri, “Zwo luga, mīni-ha nga ha Izwo, vha nn̄da ha nyandāno.” Humelani murahu kha Ipfi huno ni vhone a re nn̄da ha nyandāno. Vhonani zwe Mudzimu a fulufhedzisa. Vhonani zwe Mubveledzi a amba nga Hazwo.

¹⁶¹ Ni a vhona, ni na muñwe na muñwe kha vhathetshelesi vhaṇu. Ndi ngazwo shango ḥo lavhelesa u mona. Musi tshivhidzo tshi tshi tea u sedzwa kha i vhonadzaho, i penyaho ḥaledzi, Tshedza tsho dzulaho kha tshikwara, tshine a hu na mūthu ane a nga tshi fhira, a hu na muthu ane a Tshi ḥatula.

¹⁶² Huno, namusi, ndi tshi seiwaho nga shango, ngauri vhalangi who zwi bvisa kha nyandāno na Mubveledzi. Ni a vhona zwine nda khou amba? Vha khou lidza zwithu zwi si ho ngomu Heneffho. Vhoramuzika vha a balelwā na u ḥivha zwine vha tea u ita zwino; tshivhidzo, vhothe vha kha u dzunguluwa. Ro vha ri tshi khou amba nga ha izwi zwithu zweṭhe, miñwaha yoṭhe, na u zwi ḥatula, huno zwino ri tshi vha murađo nazwo. Oo, tshiñwe tshithu tsho khakheaho huiwe fhethu.

¹⁶³ Dzhielani nzhele, ni tea u thoma kha Muzika vhunga zwe A ita, dzenanī kha muungo u fanaho Wazwo, dzenanī kha Ipfi ḥo fulufhedziswaho. Vhonani ndila ye A zwi ita u rangani, ni vhona ndila ye A zwi ita kha tshikhathi tsha vhukati, ni a vhona nga ndila ine A zwi ita zwino, tshifhinga tshoṭhe zwi a fana.

¹⁶⁴ Sedzani mulangi, uri u zwi ita hani. Arali a sa zwi iti, arali a ni sumbedza kha ḥiñwe dzangano; na khathihī ho vha hu si na mulangi we a ita hezwo. Mulangi tshifhinga tshoṭhe o ni sumba kha Ipfi. Vhaporofit vha kale, vho sumba kha Ipfi. Vho vha vhe Ipfi. Vho tshila Ipfi. Huno ḥo itani? ḥo vhonadza Mudzimu. Izwo zwo qisa Ipfi ḥo ḥwaliwaho la ilo duvha kha vhatshilo, ngauri ḥi da khavho. Zwo dzumbululwa khavho. Ilō ḥo vha ḥi Tombo ḥavho. Haleluya!

¹⁶⁵ Yesu Kristo, Ipfi ḥa Mudzimu, ndi Tombo lashu. “Kha heli tombo ndi do fhaṭa Tshivhidzo Tshanga,” Ipfi ḥa Mudzimu ḥo dzumbululwaho. Mulalo, kha mutendi wa vhukuma. Mulalo! Ri

kha tshifhinga tsha vhufhelo. “Kha heli Tombo Ndi do fhaṭa Tshivhidzo Tshanga,” nzumbululo ya Ipfi.

¹⁶⁶ Muňwe a ri, “Zwo luga, U munna muhulu. U tou fana na Mushe. U munna muhulwane. U tou nga . . .” A si hezwo.

Fhedzi nzumbululo yo ri, “Iwe u Murwa wa Mudzimu.”

¹⁶⁷ Ha pfi, “Nama na malofha a zwo ngo u dzumbululela Lone na khathihi, fhedzi Khotsi Anga a re ngei Ṭadulu. Kha iyi Ngoho yo dzumbululwaho, ndi do fhaṭa Tshivhidzo Tshanga.”

¹⁶⁸ Naa ndi mini? Ndi ene Ipfi. “U rangani ho vha hu na Ipfi, huno Ipfi o vha e na Mudzimu, huno Ipfi o vha e Mudzimu,” huno Ipfi li kha di vha Mudzimu. U tou vha Ene, a sa shanduki ḥamusi, o Dīvhonadza sa zwe A vha e zwone; Mushe na Eliya, u tsa fhasi, na Yesu, na Mudzimu muthihi ḥamusi, zwi Mu ita “Yesu Kristo a sa shanduki mulovha, ḥamusi, na lini na lini,” Vhaheberu 13:8. Ni a vhona, na khathihi a vho ngo ni sumba kha tshigwada. Vho ni sumba kha Muthu, vho ni sumbedza Ipfi, Mudzimu.

“Naa ndi thoma-fhi, Mukomana Branham?”

¹⁶⁹ Tshifhambanoni, thomani kha Tshifhambano Nae. “Shandukani, tendani Ipfi,” izwo ndi zwe Bivhili ya amba. Zwenezwo tevhelani nga muungo u fanaho wa Ipfi loṭhe.

Inwi ni ri, “Zwo luga, naa ndi do itani?”

¹⁷⁰ Itanu isa phanda na u tevhela muungo u fanaho wa Ipfi. Arali “shandukani” ndi tshithu tsha u thoma, kha u limuwa, itani hezwo, ilo ndi liga lanu la u thoma. Vheani liga lanu li tevhelaho hune Ipfi la amba. Û ya phanda, na u ya, na u tshimbila Nae.

¹⁷¹ Ni so ngo kwasha muungo u fanaho arali ni tshipida tsha muzika wa Mudzimu. Ni so ngo kwashekanya muungo u fanaho wa Ipfi. Ni songo vhudzisa, “Zwo luga, mulandu? Ndi ngani izwi zwo bvelela? Ndo zwi lingedza, Mukomana Branham, huno, musi vha tshi ntanutshela, ni a dīvha zwe nda ita? Ndi tou takalela u sika.” Ni songo vhudzisa uri ndi ngani. U dīvha muungo u fanaho, uri zwi teya u shanduka hani, na mafhande ane zwa teya u ita, ee, muṇe wanga, ngauri Zwo nwaliwa. U dīvha zwoṭhe nga Hazwo. U dīvha muungo u fanaho. Ni so ngo vhudzisa uri ngani. Zwi tendeni!

¹⁷² Mudzimu o tsela fhasi nga tshifhinga tsha dīvazwakale, e na Ipfi lo fulufhedziswaho Lawe, kha tshikhathi tshiňwe na tshiňwe, huno a zwi athu u vhuya zwa kundelwa (u kwashekanya) muungo u fanaho, nga Maanda a Mudzimu, musi A tshi da kha vhanangiwa na vhathu vho khwāthisedzwaho. Mutevhetsindo u fanaho wa Ipfi Lawe mađuvhani a Noaxe, wone mutevhetsindo wa Ipfi Lawe mađuvhani a Noaxe, mađuvhani a Mushe, mađuvhani a Eliya, mađuvhani a Yohane, mađuvhani a Dafita, mađuvhani a Yesu, u tsa fhasi, U vhulunga muungo u fanaho wa Ipfi, u tsa fhasi, a zwi athu u vhuya zwa Li kwasha. O

tsela phasi nga kha ḋivhazwakale. Huno Mbeu yo nangiwaho, ye ya Li vhona na u Li tenda, i wela kha muungo u fanaho Nało.

¹⁷³ Vhańwe vha ri, “Zwo luga, fhedzi tshivhidzo tshi ri . . .” Izwo a zwi na mushumo Nało. A no ngo bebelwa u ita hezwo.

¹⁷⁴ No bebelwa kha Ipfi, ngauri no bebwā kha Kristo. Kristo ndi Ipfi, ee, muñe wanga, muñe na muñe nga tshikhathi tshawe.

¹⁷⁵ Inwi ni ri, “Zwo luga, ndi do tou ni vhudza, Mukomana Branham, a thi koni u sedza phanda.”

¹⁷⁶ Zwenezwo lavhelesani n̄tha. Mudzimu o fulufhedzisa, arali na nga lavhelesa n̄tha, na Mu vhona; shalom, mulalo, mulalo wa Mudzimu u awele.

¹⁷⁷ Inwi ni ri, “Zwenezwo ndi ngani vhańwe vha tshi tambo nga nn̄e, Mukomana Branham? Ni a ḋivha, vhańwe vha tambo nga nn̄e, huno vha tshi ri ndi—ndi na ‘mavhudzi malapfu,’ ndi wa ‘fesheni ya kale,’” kha vhasadzi. Munna, “Ngauri ndi tenda Bivhili, ‘A ni tsha vha na vhuledzani na rine. Ri nga si kone u ni ṭanganedza ngauri izwo—izwo zwauri ni tenda *tshino-natshiila*.’”

¹⁷⁸ Huno ni a ḋivha uri ndi kokotolo ndila ye Ipfi la ḋwaliwa. Mudzimu u ya vhofhea kha inwi, u tikedza Hezwo n̄tha zwenezwo. O ralo zwa vhukuma. A zwi na ndavha hezwo, ngani vha tshi tambo nga inwi. Mudzimu ndi Mudzimu wa vivho. Elelwanī, u tambulela Ipfi Ławē nd maṭungu a u aluwa a tshilidzi Tshawe. Musi ni tshi tambulela Ipfi Ławē, vhuṭungu ha u aluwa.

¹⁷⁹ Ni a ḋivha uri ḋwana muṭuku o vha hani, fumi, miňwaha ya fumimbili, u wana maṭungu. Dzhenani ngomu, ni ri, “Mma, zwanda zwanga zwi a vhavha na milenzhe yanga i khou vhavha,” na zwinhwe. Ndi vhuṭungu ha u aluwa. Zwi sumbedza uri u na dzinwe vithamini dzavhudī. U khou aluwa.

¹⁸⁰ Huno musi muniwe muthu a tshi thoma u ni sea, a ri, “U na fesheni ya kale. Mu sedzeni, ndi ene . . . Oo, ndi do ni vhudza, o vha a tshi anzela u vha . . .” Zwo luga, itanu elelwā, ndi maṭungu a u aluwa. Uho u thovholwa ndi havhuđi kha inwi. Ndi maṭungu a u aluwa.

¹⁸¹ Oo, ee, U tendela zwifhambano na mafhande a ndila na mafhande. U dzulela u ita hezwo, uri a kone u ri khunyeledza u itela tshumelo Yawe. U tendela izwo zwithu zwi tshi bvelela. Naa a ni pfesesi izwo? U ita izwo uri A kone u ni ita o fhelelaho u itela mbidzo ye A ni vhidzela yone. Ndi vhuṭungu hańu vhu aluwaho. O ita Daniele nga iyo ndila, ni a ḋivha.

¹⁸² O ita vhana vha Vhahevheru, ḋandoni ya mulilo. Naa nando ya mulilo yo ita mini? Yone khavhu ya mulilo yo tou ḋukhula nnzwi dze dza vha vhofha. Ndi zwenezwo fhedzi zwe ḋando ya ita, u tou vhofholola nnzwi.

¹⁸³ Tshiñwe tshifhinga zwi dzhia milingo u kwasha nnzwi dza shango kha rine, zwa ni bvisa shangoni. Zwi nga vha, ni teya u ni bvisa kha ndaela, u thoma. Vhunga munna a tshi khou nwela khothe mulamboni, ni tea u mu bvisa mulamboni ni sa athu bvisa mulambo kha muthu. Izwo ndi nga ndila ine Mudzimu a tea u ita tshiñwe tshifhinga. I ri ni vha ni posele nnđa, nga tshiñwe tshifhinga, zwenezwo vha bvisa shango kha inwi. Ni tea u—tea u ni bvisa kha shango, u thoma. Tshiñwe tshifhinga haya maṭungu a fhisaho ndi one ane a ita izwo. Oo, ee.

¹⁸⁴ Mudzimu u ima kha Ipfi lo fulufhedziswaho ḥa ḥwaha muňwe na muňwe muswa. U ima Khalo, uno ḥwaha, u vuledza zwe A zwi fulufhedzisela zwa uno ḥwaha. Tshiñwe na tshiñwe tshine tsha vha tshone, ndi ḥoda u vha heneffo vhukati ha lufuno Lwawe kha vhumatshelo, vhunga vho ita.

¹⁸⁵ Vhunga Abrahamu, musi a tshi ḥanganana na mafhande awe a ndila, ho ngo ḥivha uri u ḥo zwi ita hani. Mudzimu o mu vhudza, “Ndi khou ya u u ḥeya murwa.” A lindela miňwaha ya fumbili-ḥanu. Mafheleloni murwa a ḥa, zwenezwo Mudzimu a ri, “Zwino, nga hoyu murwa, ndi khou ya u u ita khotsi a tshaka nnzhi. Mu ise n̄tha heneffo huno u mu vhulaye. Mu ise n̄tha huno u mu vhulaye,” tshinyadzani tshenetsho tshithu tshe a vha o tshi lindela miňwaha ya fumbili-ḥanu. “Mu ise n̄tha huno ni mu vhulahe.”

¹⁸⁶ Abrahamu na khathihi ho ngo vhilaela. Na khathihi a zwo ngo mu dina. A doba khuni huno a dzi vhea kha donngana, huno a dzhia murwa wawe. A mu isa n̄tha ha tshikwara, u mu nala, ngauri Abrahamu o zwi ḥivha uri o mu ḥanganedza sa muňwe a bvaho vhafuni; Mbumbelo ya Sarah yo vha yo fa, o vha e si na malofha, ngauralo ho vha hu si na ndila. Huno mutukana... O vha e na miňwaha ya dana nga vhukale, huno o vha e fuṭahe, ngauralo u ḥa nga Ipfi lo fulufhedziswaho. Mudzimu onoyo muthihi we a ita pfulufhedziso, o ri, “Ndi do u ita khotsi a dzitshaka,” nga murahu ha miňwaha ya fumbili-ḥanu, huno e na miňwaha ya dana, ene na mufumakadzi wawe vho ḥanganedza ḥwana. Arali Mudzimu o mu vhudza uri a mu ḥekedze, Mudzimu o vha a tshi kona u mu vusa. Amen.

¹⁸⁷ Rendani Mudzimu, vhakomana. Ndi pfa ndi wavhudzi. Ndi pfa ndi wa vhurereli. Ngauralo ndi dipfa ndi wavhudzi hani! Ndi a ḥivha hetshi tshithu tshithihi, U ya kona u mu vusa hafhu. Ri ḥo ima kha iilo Ipfi la Tshedza li si na tshika ḥa ino awara! Mudzimu u ḥo ri vusa musi uyu murafho u tshi ḥa, sa Zwiedza zwi penyaho zwi hanedzanaho na uyu murafho. Amen.

¹⁸⁸ A zwi mangadzi O ri, “Khosikadzi ya Tshipembe i ḥo vuwa Khaṭhuloni, na murafho wawe, huno a haṭula uyu muňwe; ngauri o bva e kha zwipiḍa zwa kule zwa liphasi, u pfa vhuṭali ha Salomo, huno, vhonani, muhulwane a fhiraho Salomo u fhano.” Nga ndila ye iyo khosikadzi ḥukhu, kule fhasi, muhedeni, a

vhona itsho Tshedza, huno a da lwa dzimaela sogani, miñwedzi miraru kha muñana wa gamela, u pfa vhuñali ha Salomo, huno vhone vho ima henefho, vhe na Salomo e tshifanyiso, tshivhumbeo Tshawe.

¹⁸⁹ Huno zwenezwo a da nahone a tshi vhona Wesley, Luther, vhañwe vhothe, dzidinomineisheni murahu hangei, e tshifanyiso na tshifanyiso tsha zwine zwa khou bvelela zwino, huno vha tshimbila henefho nga Khatsho. Oo! Zwo luga.

¹⁹⁰ Ngauri, ngauralo ñwaha muswa wo vhekanyelwa nga Mudzimu, u tou vhekanyelwa u dzula kha Ipfi Lawe. Tshimbilani hune Ipfi la ri tshimbila, musi ri tshi da zwino kha u vala, vhunga vhañwe, Mbeu yo nangiwaho ye ya ita duvhani lavho musi vha tshi vhona Ipfi. Naa vho zwi ita mini? Vho tshimbila ngomu Halo, arali vho vha vhe Mbeu yo nangiwaho kha zwiñwe zwikhathî, ngauri ndi Ene Ipfi li sa kundelwi. Ndi vhangana vhane vha tenda uri Yesu Kristo ndi Ipfi? Yawee, nnë nnë!

¹⁹¹ Ndo pfa mbekanyamushumo liñwe duvha, ya iñwe dinomineisheni ya vhathu, Vho. H. M. S. Richards vho amba uri vho vha “ñwala bugu ya ñwaha.” A thi todì u sa tendelana na munna wa u ralo. Naho, vhe Seventh-day Adventist, a thi tendelani na pfunzo ya Seventh-day Adventist, fhedzi zwa vhukuma ndi takalela munna. Fhedzi a thi nga tendelani nae. Iyo i nga vha i bugu ya H. M. S. Richards ya ñwaha muswa.

¹⁹² Fhedzi Bugu yanga na Bugu yanu, u itela ñwaha muswa, ndi Bugu ya ñwaha wa kale, Bivhili, Ipfi la Mudzimu. Itanu ita uri U tshire kha zwe Ya fulufhedzisa u tshirela zwone. Ee, muñe wanga. Huno ñwaha muñwe na muñwe u ñaho u da, na ñwaha muñwe na muñwe we wa vha u hone, Ndi ene Mudzimu wa U Ya Nga Hu Sa Pheli a tshilaho kha Ipfi la U Ya Nga Hu Sa Pheli le A amba, musi Ngoho iñwe na iñwe ya Bivhili na pfulufhedziso iñwe na iñwe ngomu Hayo yo khwañhisedzwa, sa zwe zwa vha zwi zwone fhasi kha miñwaha.

¹⁹³ Nga ndila ye Mudzimu a fulufhedzisa uri U do tshinyadza shango nga mađi, huno O li khwañhisedza nga Mushe...kana nga Noaxe.

¹⁹⁴ O fulufhedzisa uri U do rumela muphulusi, huno a bvisa Isiraele kha la Egipita; vho vha vho dala lwa miñwaha ya mađana maña. O ita kokotolo hezwo.

¹⁹⁵ Huno O ana uri U do vusa Dafita, na uri Dafita u do vha hani—murwa; Kristo u do vha murwa wawe, nga kha Dafita hu do da Kristo. O ana hani uri U do ita izwo; O ita zwenezwo.

¹⁹⁶ O fulufhedzisa uri U do ruma Yohane Mulovhedzi, hu sa athu da u ña ha Yesu Kristo. O ita zwenezwo fhedzi.

O fulufhedzisa uri U do ruma Mesia. O ita zwenezwo fhedzi.

¹⁹⁷ O fulufhedzisa uri shango li do dzhena kha tshigwada tshihulwane tsha madzangano huno la ita sisteme, maanda, a

tshi ḋivhea sa livhanda, huno o vha e ngei nt̄ha o dzula kha mivhundu ya sumbe. Zwo ita kokotolo izwo.

¹⁹⁸ Nga ndila ine tshivhidzo tsha do vha tshi tshi tovhola, u isa lufuni! Vho ita kokotolo hezwo.

¹⁹⁹ Vha do bva hani kha mbuyedzedzo! Vho ita kokotolo zwenezwo. O fulufhedzisa hani kha tshikhathi tshiñwe na tshiñwe uri zwi ño ralo!

²⁰⁰ Huno O fulufhedzisa itshi tshikhathi. Huno hafha U hone, ñamusi, u khou ita uri ïlo Ipfi li tshire, kokotolo vhunga zwe A ita ngei mathomoni. Zwa vhukuma.

²⁰¹ Huno musi pfulufhedziso iñwe na iñwe yo no khunyelela, “lufu lwo milwa nga gundo,” Yesu u ño ña; huno wa u fhedza wo khwathisedzwa, zwenezwo hu ño ña mülalo wa U Ya Nga Hu Sa Fheli kha lifhasi, na shalom ya U Ya Nga Hu Sa Fheli. Yone shalom ya U Ya Nga Hu Sa Fheli, mulalo, u ño dzula kha lifhasi.

²⁰² Musi Yesu a tshi ña, ene Mukololo wa Mulalo, ndi ngani hu so ngo vha na mulalo? Ngauri Ipfi lo ñthe lo vha li so ngo vuledzea nga duvha Lawe. U khou Li khunyeledza ñamusi. Fhedzi musi Ipfi lo fulufhedziswaho Lawe ñthe, le la vha li muhumbulo wa Mudzimu . . .

²⁰³ Lone *Ipfi* ndi “muhumbulo wo bulwaho.” Mudzimu, kha ngelekanyo Yawe, o Zwi elekanya, nahone a Zwi bvisela khagala nga kha vhaporofita Vhawe, huno zwino Zwi tea u vuledzea. Huno, musi, O ri vhudza nga ha hezwi zwithu uri ri sa ite phoso na phuphudzika swiswini zwenezwo, musi ri tshi zwi vhona zwi tshi khunyelela.

²⁰⁴ Zwino, O fulufhedzisa u rumela Kristo lwa vhuvhili. Huno tshifhinga tshothe tshine A ita, musi Kristo a tshi ña lwa vhuvhili, hu ño vha na shalom ya U Ya Nga Hu Sa Fheli.

²⁰⁵ Thetshelesani, dzikhonani, musi ri tshi vala. Elelwani, Bivhili ndi tshisima tsha vhuṭali hothe. A zwi bvi kha Dokotela, Ph.D., LL.D. I bva kha Ipfi la Mudzimu.

²⁰⁶ Ho vha hu na Madokotela a Vhukhethwa o dzulaho heneffo, nga madana, huno Mutukana muṭuku wa miñwaha ya fumimbili o vha vhidzela phasi, ngauri O vha e Ipfi. Mutukana muṭuku o vha a si na pfunzo na luthihi, fhedzi O vha e Ipfi. Ngauri O vha e Tshedza tsho ambiwaho tsha ïlo duvha, O vha a tshi khou vhonadza ïlo Ipfi. Ipfi lo vha li Khae. Zwo ño tea u ralo. A zwi mangadzi zwe A amba zwo khunyelela, ngauri O vha e Ipfi. Ni a pfesesa? Vhothe vhane vha pfesesa, irani, “Amen.” [Tshivhidzo tshi ri, “Amen.”—Mudz.] O vha a Ipfi.

²⁰⁷ Elelwani Bivhili, hu si iñwe bugu ya ñwaha yo ñwaliwaho nga muthu. “Ipfi liñwe na liñwe la muthu kha li vhe mazwifhi, fhedzi Langa ndi Ngoho.”

²⁰⁸ Huno vhukheluwi na vhurereli, na—na zwiñwe-vho, zwothe zwo sokou ṫangana musi ni tshi wana tshigwada tsha vhanna

Khazwo. Mudzimu na khathihi ho ngo shuma kha tshigwada tsho raloho. Arali Yesu a tshi do da ñamusi, naa U do dzhia sia na Vhamethodisi, na Vhabaphuthisi, na vha Vhaadvertisithi, Thanzi ya Yehova, Saintsí ya Vhakriste, Vhapentekostala, Vhaphuresibatherieni? Hai, muñe wanga. O vha a nga si ralo.

²⁰⁹ Ndi fhungo la muthu, inwi na Mudzimu. A hu na vhathe vhavhili vha tshi tendela thwii, vhothe vha tshi fana; a hu na magunwe mavhili a no fana. Mudzimu u shuma nga muthu a eþhe. Huno zwino ni a zwi ðivha hani uri kana u kha ngoho kana hai? Zwenezwo sedzani murahu huno ni vhone arali e na Ipfi. Arali e na Ipfi, zwenezwo Mudzimu u khou shumana nae; arali a songo ralo, tshiñwe tshithu-vho tshi khou shuma nae. Ni a vhoná? Izwo ndi zwone.

²¹⁰ Elelwani, Bivhili ndi tshisima tsha vhuþali hoþhe, nahone i fara fulufhelo loþhe la tshifhinga tshi ðaho Khayo. Shalom, mulalo wa Mudzimu!

²¹¹ Vhunga tshitori tsho ambiwa tshiñwe tshifhinga, nga ha mutukana mutuku o xelevwa nga baba vhawé phanda ha musi a tshi aluwa lwo edanaho u vhoná khotsi awe; lu tou vha lushie lwa lutshetshe musi khotsi awe vho lovha. Linwe ðuvha o swika miñwaha i no todou swika fumi, ya fumimbili nga vhukale. O vha e na muñwe mukomana, a no pfi Yohane. A ya kha mukomana wawe, huno a ri, “Uh, Yohane,” we a vha e miñwaha i si gathi nga vhuhulwane, a ri, “naa ni a, elelwa baba?”

A ri, “Ee.”

Ha pfi, “Vho vha vha tshi vhonala hani?”

²¹² Ha pfi, “Zwo luga, o vha e munna mulapfu, huno o vha e munna wavhuði nga maanda. O vha e wavhuði kha mme tshifhinga tshoþhe, huno o vha a wa mafunda kha—kha nne, nahone o vha a wa mafunda kha muñwe na muñwe.”

A ri, “Zwo luga, naa izwo ndi zweþhe zwine na ðivha nga hae, Yohane?”

²¹³ A ri, “Zwo luga, ndi do ni vhudza.” Ha pfi, “Henry,” ha pfi, “muñwe na muñwe u ri ndi—ndi nga ene.” Huno ha pfi, “Muñwe na muñwe u ri ndi na mvelo i no nga ene.”

²¹⁴ A ri, “Oo, izwo ndi zwavhuði! Izwo ndi zwine nda þoda u ðivha.” Ha pfi, “Musi ndi tshi u vhoná, ndi vhoná khotsi anga.”

²¹⁵ Khezwo. Musi sha—shango li tshi vhoná Yesu Kristo, zwi do vha kha inwi, musi ili Ipfi lo ñwaliwaho nga ha ñamusi.

²¹⁶ Naa ni vhoná ngafhi Yesu kha Dafita? Musi Ipfi li tshi vhonadzwa nga khae.

²¹⁷ Naa ni vhoná hani Kristo, Mudzimu kha Eliya, nga iyo goloi i tshi khou ya ngomu Tadulu, ni a vhoná Yesu e kha Eliya? Ngauri, Ipfi lo khwathisedzwa.

²¹⁸ Naa ni Li vhona hani kha Mushe? Yesu o vha e kha Mushe. Bivhili yo amba nga u ralo. Ni a vhona, izwo ndi zwone, O vha e tshiṭaka tshi dugaho tshe tsha vha tshi na Mushe sogani.

²¹⁹ Naa vhathu vha do divha hani Yesu Kristo? Musi vhone, ene, a tshi Mu vhona kha inwi, musi vha tshi vhona Yesu kha inwi. Ngauri, O ri, “Mishumo ine Nda ita na inwi ni do ita-vho. Mihulwane kha iyi ni do ita, ngauri Ndi ya ha Khotsi Anga.” Naa izwo ndi zwone? Iyo ndi ndila ine vha, shango li a divha.

²²⁰ Hu si ngauri Vhapentekostała ya Vhuthihi ndi vhahulwane u fhira Vhapentekostała ya Vhuvhili, kana Vhuvhili ndi vhuhulwane u fhira Vhuraru, kana tshiñwe na tshiñwe tshire na vha natsho; hu si ngauri Mumethodisi ndi muhulwane u fhira Mubaphuthisi; kana Baphuthisi ya Tshipembe i tshi khou dzhia pfufho ya uno ñwaha u itela zwe—the—zwe zwivhidzo zwa Baphuthisi, whothe vhaphurosidente. Vha na mirado minzhi kha uno ñwaha u fhira muñwe na muñwe wavho, ndi a pfectesa, nga mbalo. Izwo a zwi vha iti-vho phambanaho. Mudzimu ha ni divhi nga nomboro. Vhone vhahedeni ndi vhanzhi u ni fhira, tshifhinga tshiñwe na tshiñwe. Vhone Vhakatolika vha na vhoiñwi nothe. Vhomuhamede vha navho whothe. Ni a vhona?

²²¹ Ni a divhea musi Yesu Kristo a tshi tshila kha inwi, nga Vhutshilo Hawe, na Ipfi lo fulufhedziswaho la lino duvha li a Divhonisa. Ni a vhona?

²²² Zwino Ipfi lenelo lìthihi le la vhoniswa kha Mushe lo kundelwa u vhoniswa kha Eliya, ngauri ilo lo vha li linwe duvha. Onoyo muthihi we a vhoniswa kha Noaxe o kundelwa u vha kha Mushe, ngauri, ni a vhona, Noaxe o fhata gungwa, Mushe o ranga phanda vhathu, kokotolo zwe zwa fulufhedziswaho. Tshedza tshenetsho tshithihi tsho vhoniswa kha tshiñwe, tsho vha tshi si kha tshiñwe, fhedzi muñwe o amba nga ha tshiñwe.

²²³ Testamente Ntswa yothe i amba nga ha ino awara. Yesu Kristo u amba nga ha iyi awara. Naa ndi nnyi, zwenezwo, muñwe munna? Ndi Yesu Kristo, Murwa wa Mudzimu, a tshi khou vhonadza, a tshi khou vhonisa Tshedza kha Ipfi le A fulufhedzisela lino duvha.

²²⁴ Musi muthu a tshi ni vhona ni tshi tshila sa Ene, musi a tshi vhona mvumbo yanu na vhudifari hanu na Ipfi u tou fana kokotolo vhunga zwe A vha e zwone, ipfi li tshi vhonadzwa, zwenezwo muthu u do vhona Yesu Kristo. A vha nga tei u lavhelesa u mona huñwe na huñwe, vha ri, “Ndaela iyi i funza mini, iyo ndaela i funza mini?” Vha do divha zwine Mudzimu a vha zwone musi vha tshi ni vhona.

²²⁵ Shalom, mulalo wa Mudzimu kha u vhe Tshedza kha inwi! Huno musi Ipfi la Mudzimu li tshi khwaṭhisizedzwa kha tshino tshikhathi, lwo khunyelelaho, nahone ni a Zwi vhona na u Zwi tenda, mulalo kha inwi!

²²⁶ Livhanani na ñwaha muswa na hezwi, Mu vheyen i sa zwe Dafita a amba, “Ndi do Mu vheya phanda hanga. Ngauri U kha tshanda tshanga tshaula, a thi nga dzinginyisi.” Arali na tangana na lufu uno ñwaha, zwi ita phambano-de? Mudzimu o fulufhedzisa uri U do ni vusa. Aralali khombo i tshi ni vhulaha, naa zwi ita phambano-de? Ni na Vhutshilo Vhu Sa Fheli, “Ndi do mu vusa maduvhani a u fhedzisela.” Amen. Mini-ha arali tshiñwe tshithu tsha bvelela? A hu londwi zwine tsha vha zwone, a hu na tshine tshi nga ri fhandekanya na lufuno lwa Mudzimu, lu re kha Kristo. “Ndala, khombo, u vha fhedzi, a hu londwi zwine zwa vha zwone, a hu na tshine tshi nga ri fhandekanya na lufuno lwa Mudzimu, lu re kha Kristo.” Huno ndi Ene Ipfi. Mulalo!

²²⁷ Kha ri kotamise zwifhañuwo zwashu. Zwino muñwe na muñwe nga a vhe o kotamisa tshifhañuwo tshawe lwa tshifhinganyana. Mulalo wa Mudzimu!

²²⁸ “Litswu...” [A hu na tshithu kha theiphi—Mudz.] “Sa zwe zwa vha zwi zwone maduvhani a Noaxe, he vha vha vha tshi khou la, vha tshi nwa, vha tshi dzea, vha tshi ṭalana,” ene Reno, Nevada, huno shango loþhe la tshedza tshitswuku, “zwi do ralo kha u ða ha Murwa-muthu.”

²²⁹ “Sa zwe zwa vha zwi zwone ngei Sodoma,” he Mudzimu a vhonadzwa kha muthu we Abrahamu a mu vhidza Elohim, Ene mufusha zweþhe; a ima heneffo, a la ñama, a ñwa mafhi, na tshinnkwa; huno a kona u amba zwe Sarah a vha a tshi khou elekanya nga murahu hawe, nga murahu Hawe, denndeni. A ri, “Izwo zwi do vhuya hafhu kha u ða ha Murwa-muthu.” “Lwa tshifhinganyana, huno shango a li tsha do Mmbona; naho zwe ralo ni do Mmbona, ngauri Ndi do vha na inwi, na kha inwi, u swika vhufheloni ha shango.”

²³⁰ Vhayuda vha tshi khou vhuyelela shangoni ñavho. Zwithu zwi no khou itea, zwi re kha lino ñuvha, zwi do nthivhela kha hafu ya u mathomo u ni vhudza zwine zwa khou itea, fhedzi ri a zwi vhona. Naa ndi mini? Ipfi lo vhonadzwaho.

²³¹ Naa ni elekanya uri Vhaheberu vho ita mini musi vha tshi vhona Ipfi li tshi vhonadzwa, nga pfulufhedziso? Vho dilugisela u ñutshela shango.

²³² Arali ni songo lugela ñamusi, khonani, thomani uyu ñwaha muswa zwavhudí, zwi thome nga tshanda tshañu tshandani tsha Mudzimu, Ipfi la Mudzimu mbiluni yanu, a tshi ri, “Murena Yesu, a thi ñivhi uri ndi tshifhio tshipiða tsha uyu Muzika wa okhesitira tshine Wa ñoda ndi tshi tshi lidza, fhedzi musi ayo mafhande a tshi ña uri ññe ndi tovholve, ndi seiwe, ndi nyefulwe, Ndi kha ñi dzhia vhuimo hanga ha uri Mbila Yau a i nga ñatiwi nga nthani hanga. Ndi do dzula heneffo na Ipfi Lau, hu sa londwi zwine La vha zwone. Ndi do dzula henehafho. Huno musi lufu lu tshi rwá kha vothi ñanga, itsho ndi tshipiða tsha muzika

wa Okhesitira. Ni a zwi divha zwenezwo, uri, zwi na vhuțanzi uri lufu lu khokhonya kha munango wanga, na mvuwo i do khokhonya liñwe la aya mađuvha, nalwo-vho, huno U do mvusa hafhu. Ndi tshipida tsha Yau Okhesitira. Murena, ntendele ndi vhe tshipida ñamusi, naa U do ralo?”

²³³ Ndi vhangana vhane vha do takalela u dziya uho u ana, huno na ri, “U thoma hoyu ñwaha muswa, Mukomana Branham, u thoma kha hoyu muñangano, zwino henefha, Zwino ndi a fulufhedzisa Mudzimu, u dzhia vhuimo hanga, uri na khathihi nda si kundelwe u dzula henefho na Ipfi lo fulufhedziswaho Lawe, na u tshila kokotolo nga ndila ye A zwi fulufhedzisa, kha vhulenda na u ñitukufhadza;uri Mudzimu a dzhie vhutshilo hanga nahone a vhu vhee kha Mbila khulu Yawe, uri tshenetsho tshigwada tshithihi tshire A do tshi vusa mađuvhani a u fhedzisela. Ndi khou yo imisa tshanda tshanga, Mukomana Branham, hu si kha inwi, fhedzi kha Mudzimu. Nyelelweni thabeloni”? Mudzimu a ni fhañutshedze, huñwe na huñwe. Murena a ni fhañutshedze. Zwanda zwanga zwi ntha, nazwo-vho.

²³⁴ Murena, nnzhie. Murena Mudzimu, u songo vhuya wa ntendela nda wana muhumbulo wanga, vhunga Yudasi, kha dolara ya nyengedzo, kha iñwe fesheni ya shango, kana muñwe muthu u ni phaphatha muñanani, huno a ri, “Oo, Mukomana Branham, uyu ndi . . .” Hai, hai. Mudzimu, u songo tendela izwo zwi tshi bvelela kha nne na khathihi. Ndi do tou fara ndila na vha si gathi vho nyadziwaho vha Murena. Ndi do vha mukomana kha muthu, nda ita zweño zwine nda kona, Murena, funa vhathe nga mbilu yanga yothe. Fhedzi, Murena, u songo ntendela ndi tshi sudzuluwa kha ili Ipfi na khathihi. Ndi ñodou vuwa nga ñuvha la u fhedzisela. Huno avho fhedzi vho katelwa kha uyu muzika wa Okhesitira muhulwane, Murena, vhunga ndo lingedza u zwi ñalutshedza masiari ano, uyo ndi ene a no da magumoni a— a muzika wa bammbiri, musi mvuwo khulwane, na Vharuñwa vhothe vha tshi vhanda zwanda zwavho huno vhakhethwa vha dzhena vha tshi hwenya. Ndi avho vhe vha tambo nga itsho tshipida kha ili litambwa ñihulwane ñine ra li lidza, rabelani, Murena.

²³⁵ Ri a zwi divha uri kha litambwa vha shandukisa tshidzumbatshifhañuwo, vha bva kha tshiñwe tshithu u ya kha tshiñwe, huno izwo ndi zwe Wa ita. Inwi ni bva kha Muya, Mudzimu, ene Yehova Muhulwane, huno wa ambara tshidzumbatshifhañuwo tsha muthu, wo shandukisa Tshau—Tshau—Tshau tshivhumbeo; Wo shandukisa. Wo akha dennde Lau. Wo tsela fhasi u tshi bva ha Mudzimu, huno wa vha muthu, uri U kone u fa u rengulula muthu. Wo shandukisa mbonalo Yau.

²³⁶ Zwenezwo hafhu Wo zwi shandukisa, huno Wo ñishandukisa kha vhathe vha no do tenda huno na u ñifara u ya nga Ipfi le Wa li ñwala hafha. Mashudu ndi mađo ane a Zwi vhona, mashudu ndi

mbilu dzine dla Zwi ṭanganedza, mashudu ndi n̄devhe dzine dla Zwi pfa ngauri hu ḍo ḍa muwo musi Mbila yo fhela. Mudzimu, ri tendele ri vhe roṭe heneffo, naa U ḍo ralo? Fhaṭutshedza itshi tshigwada tshiṭuku.

²³⁷ Ri tshi amba nga heyi ndila, Khotsi, ri a zwi divha uri iyi theiphi i ya shangoni ḥothe. Huno n̄getshi tshigwadā tshavhudī, tshiṭuku tsho dzulahō hafha ḥamusi, avha vhathetshelesi vha vhonala ho fhano Phoenix. O Mudzimu, miñwaha ya fumiñhanu ya u rera nga maanda na u kaidza, huno, Mudzimu, Iwe u ḫivha tshivhangi, lufuno! Lufuno ndi—ndi lu kaidzaho. Lufuno ndi—ndi u lulamisa. Lufuno ndi vhufunziwa.

²³⁸ O Mudzimu, ngavhe ndi tshi dīposa na avha vhathe ino vhege, huno ngavhe U tshi ri laṭa, Murena, kha Ipfi Lau. Ngavhe ri tshi vhona maanda Au a tshi vusa vhalwadze na vhathepheaho, maṭo a mabofu a tshi bonyoloswa, wone Muya Mukhethwa muhulu u tshi bvelela u tshi vhonala lufherani. Ngavhe mushumeli muñwe na muñwe na tshivhidzo tshiñwe na tshiñwe zwi tshi duga. Ngavhe khuvhangano i daho ya vhoramabindu, Murena, yo vhea mbilu ya ramabindu muñwe na muñwe, mudini uyu, kha mulilo wa Mudzimu. Zwi tendele, Murena. A ri ḫivhi uri ri ite mini ngazwo, u fhira u vhudzisa na u tenda uri zwi ḍo itwa. Ri dīkumedzela kha Iwe, nga kha Yesu Kristo, Murena washu.

Huno zwino kha ri ime nga milenzhe yashu.

²³⁹ Nñe ndi a shaya tshipitshi, nda siedza maipfi anga nga ndila i si yone, huno ndi ḍōdou amba izwi ngauri ndo pfa ndi tshi kombetshedzwa u zwi ita. Ndi vhangana ngomu afha vhanne vha do imisa tshandā tshavho, uri no pfectesa zwine nda khou amba nga “Mbila ya Mudzimu”? Imisani tshandā tshañu. Ndi a ni livhuwa. Zwavhudī. Naa ni a zwi tenda?

²⁴⁰ Zwenezwo, ndi muzika wa Okhesiṭira, ni a vhona. Ni do U wana u tshi da kha mafhande, muñwe na muñwe u khou mangala tshoṭhe. Ndi zwi vhidza mafhande. A thi ḫivhi muzika; ramuzika ngomu hafha, ngani, u ḍo—u ḍo nkhangwela kha ndila yanga i kondaho. Fhedzi, ndi zwone, vha khou zwi vhiswa, vha tea u vha na tshiñwe tshithu tshine vha tea u tshi ita. Zwi ḍo tsela fhasi, u tsa fhasi, ni ḫivhudzisa uri Ndi mini; fhedzi, ni a vhona, arali na dzhena kha muungo u fanaho Wazwo, ni a Zwi pfectesa. Ndi yone ndila i yoṭhe ine na ḍo vhuwa na pfectesa Mudzimu, ndi u dzhena kha muungo u fanaho Wazwo.

²⁴¹ “Ndi mini Izwo? Ndi ḍo ralo hani? Mukomana Branham, ndi tou vha wa ngoho kha Methodisi, Baphuthisi, kana Pentekostała.” Uyo a si muungo u fanaho.

²⁴² Muungo u fanaho ndi Mudzimu. Mudzimu ndi Ipfi. Ipfi ndi Mudzimu. Muungo wa Mudzimu, ndi, u thetshelesa Ipfi Lawe. Zwenezwo musi ni tshi thetshelesa Ipfi, U lidza muungo u fanaho kha inwi, zwenezwo ni dzhia vhuimo hanu. Tshifhinga tshoṭhe

musi U tshi tsela fhasi, fhasi, fhasi, nt̄ha, tshinwe na tshinwe tshine Wa vha thone, ni divha ayo mafhande.

Tshinwe tshifhinga ni ri, “Oo, u reñwa nga mbilu na milingo!”

²⁴³ Naa Mudzimu ho ngo ri, “Zwithu zweþhe zwi a shumisana u itela zwivhuya kha avho vha no Mu funa, musi ndi tshi khou lidza muzika wa Okhesiþira Wanga”? Huno na wanulusa zwenezwo uri ni a þhuphea na u tsikeledzwa, na u tovholwa, na u nyefulwa. Elelwani, hetsho ndi tshipida tshine tsha tshimbila nga yeneyo ndila. Arali izwo zwi sa ngi hezwo, zwenezwo Mbila i bva kha tshuni.

²⁴⁴ Mubveledzi muhulwane u divha kokotolo zwi re ngomu hazwo. U a divha. O ni divha, u bva mathomoni. O ñwala dzina lañu kha Bugu ya Ngwana ya Vhutshilo, phanda ha mutheo wa shango. Naa izwo ni a zwi tenda? U divha zwine na tea u ita. A hu londwi uri li tsela fhasi hani, na uri li vhonala lo swifhala hani, li tea u vha nga iyo ndila.

²⁴⁵ Fhedzi, elelwani, arali zwa ya thwii kha mirunzi ya lufu, “Ndi nne muwo na Vhutshilo; Ndi do mu vusa hafhu.” Huno musi Mulangi muhulwane a tshi tsela fhasi huno a hwala ulwo lubada, zwenezwo, “tshifhinga a tshi tsha do vha hone” Musi uyo Muruñwa, wa Nzumbululo ndima ya vhul0, a tshi vhea mulenzhe muthihi kha shango huno muñwe kha lwanzhe, huno musengavhadzimu nga nt̄ha ha þhoho Yawe, O ana, “tshifhinga a tshi tsha do vha hone.” Musi itsho tshifhinga tshi tshi da, ni do vuwa vhukati ha vhafu. Musi vhañwe vhothe vho edela heneffho, ni do dzhena ngomu.

²⁴⁶ Dzulani kha Mutevhetsindo. Dzulani kha Ipfi la Mudzimu. Hu si na ndavha uri zwi kond̄a hani, dzulani Nalo, hoþhe hune Mudzimu a khou rwa.

²⁴⁷ Tshinwe tshifhinga U itisa uri vhuleme vhu kwashekane mbofho, u ni vhofholola. U ita hezwo. Inwi ni ri, “Zwo luga, a thi divhi zwine nda do ita.” U a ralo. Ndi ifhio phambano? Ni khou tou—ni khou tou tamba tshipida. Ndi ene a re na inwi tshandani Tshawe. U a ni sumbedza ndila.

²⁴⁸ Elelwani, zweþhe two itwa nga tshiga. Ri vhaba tshifhinga tshine ra khou tshila khatsho, nga tshiga tshine ra khou tshila khatsho, ngauralo ri a divha zwine Mbila ya ita namusi. Ndi tshifhinga tsha u fhandekana, tshi khou dzhia Tshedza kha swiswi.

²⁴⁹ Kha ri zwi ambe roþhe, uri ni si zwi hangwe, ngauri ndi pfa ndi tshi amba hezwi: “Ndi u dzhia Tshedza kha swiswi.” Kha ri zwi ambe hafhu: “Ndi u dzhia Tshedza na swiswi.”

²⁵⁰ Iyo ndi muzika wa Mudzimu. U khou zwi sumbedza maþaduluni. U khou zwi sumbedza kha bodo ntswu. U khou zwi sumbedza nga Ene muñe. O zwi fulufhedzisa kha Ipfi. Ri a zwi

vhona zwi tshi khwathisedzwa. U khou fhandekanya goroi na mungu. U khou dzhia Tshedza kha swiswi.

²⁵¹ Naa ni a Mu tenda, naa mbilu yanu yothe i do ralo? Kha ri imbe luimbo lwasu lwavhudzi, zwenezwo.

²⁵² Huno ndi ṭoda u amba ipfi kha vhafunzi, lwa tshifhinganyana. Vharathu, Murena a ni fhaṭutshedze. Ndi a livhuwa nga u balanganya zwivhidzo zwanu na u vha qisa hafha. Kha vhoinwi vhafunzi nnqha hafho, ndi a livhuwa zwavhukuma. Ndi tou vha fhano fhedzi... .

²⁵³ I ri ni ndi ambe, vhakomana, hu nga di vha na Vhamethodisi, Vhabaphuthisi, Mupuresibeterieni. Naa ni a pfa, ndi amba zwi fanaho na kha Vhapentekosta la vhunga ndo ita kha inwi? U tou fana, ni a vhona. A si... .

²⁵⁴ Arali ndi sa tendelani na muthu, zwavhudzi, huno nda vha ndi tshi kha di mufuna... Ngauri, arali nda sa tendelana nae, u sokou hanedza fhedzi, ndi muhoi; a tho ngo tea u ima hafha nthia. Fhedzi arali nda hanedzana nae nga nthani ha vhuledzani na lufuno na u psesesa, hu si na ndavha zwine a ita, u kha di vha mukomana wanga wa vhudi. Ndi ima nae. Ee, ngoho-ngoho. Izwo ndi zwone kokotolo. Arali izwo zwi si mbiluni yanga, zwenezwo Mudzimu kha mmbvise kha ino phuluphithi, a tho ngo fanelwa nga u vha fhano. Izwo ndi zwone. Ndi zwi amba nga nthani ha lufuno, na tshiñwe tshithu tshire nda tshi vhona tshi tshi da. Huno na khathihi Ho ngo ntendela u khakha khazwo, u swika zwino, ngauri tshifhinga tshothe zwe vha Ipfi Lawe. Ngauralo, Mudzimu a ni fhaṭutshedze.

²⁵⁵ Zwino kha ri kotamise zwifhaṭuwo zwashu lwa tshikhathinyana, huno ri imbe holu luimbo lwavhudzi, lwa kale lune kanzhi ra lu imba, “Ndi a Mu funa, ndi a Mu funa.” Arali mutambi wa piano, kana onoyo ane a vha ene, kana uyo a re na muzika, a tshi do ri nea thambo ṭhukhu khazwo, ndi a humbulela. Ee, zwe luga, kha ri vhone arali ri tshi nga lu imba zwenezwo hu si na muzika. Muñwe na muñwe khathihi zwino, zwifhaṭuwo zwashu zwe kotama.

Ndi a Mu funa, ndi a Mu funa
Ngauri O funa nne u thoma
Huno o renga tshidzo yanga
Murini wa Khalivari.

²⁵⁶ Ndi elekanya uri vho imisa dzitheiphi zwino. Ni a vhona, iyi theiphi i ya huñwe na... .



MULALO TSV64-0119
(Shalom)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga masiari a Swondaha, Phando 19, 1964, ngei Ramada Inn kha la Phoenix, Arizona, U.S.A., wo dzhiwa kha rekmodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥhalutshedzo ya Tshivenda yo gandiswa huno ya phaḍaladzwa nga vha Voice Of God Recordings.

TSHIVENDA

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ñwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org